

Juni 27, 2018

www.awemainta.com
www.facebook.com/awemainta
noticia@awemainta.com
583-1400



AWEMainta

Publico grandi a acudi na reunion di AVP na MFA

AYERA nochi 7'or a tuma luga e reunion cu AVP a tene den MFA Noord, cu e meta pa duna informacion amplio di loke ta e implicacionnan di ley di crisisheffing cu ta drenta na vigor practicamente aki un siman. Un anochi unda cu MFA a keda chikito pa e interes grandi cu tabatin pa scucha e candidatonan di AVP. Sala tabata completamente yen cu personanan cu kier a scucha for di AVP kico ta e implicacionnan di e ley ariba menciona. Pueblo tin e poder di pone un Gobierno, pero tambe poder di baha un bon. Pero pa esaki e pueblo mester ta bon informa, y no solamente e sostenedornan di AVP. Esaki ta loke

Carlos Bermudes a bisa habriendo e anochi di informacion aki. Y a bisa cu e consecucionnan ta conta pa votadonan di RED, POR y MEP tambe. Dia prome di juli sigur ta bay sinta e cambio, sin importa con largo e ta, pero lo wordo sinti door di cada ciudadano den nan saco. Esey ta encera cu entrante prome di juli un kipashi no ta baha bou di 4 florin y tur otro prijs lo subi, el a bisa. E crisisheffing ta encera cu e BAZV ta bay bira en total 6%, pero e lo no keda na un schakel so, y esaki a wordo ampliamente splica door di e diferente candidatonan di AVP presente den e reunion aki. Si nos mester



bay caya, nos ta bay caya pasobra nos tin e derecho democratico pa haci esaki. Melvin Tromp, un otro orador e anochi aki a bisa. Di gasolin so, el a bisa, ta bay saca 10 pa 11 miyon florin cu e aumento cu lo pone den e tarifa, a wordo splica. Tur loke cu a wordo

priminti den campaña no a cumpli cune. A priminti reduccion edad di pensioen, un engaño, a priminti di kita parkeermeter, un engaño. Parlamentario Richard Arends a bisa cu tur gremio, cu excepcion di e Asociacion di Bankeronan, a bira

mudo y a laga e ley pasa sin protesta. Lider di Partido AVP Mike Eman tambe tabata presente y a wordo ricibi cu aplauso grandi, mirando e lider como e salvacion di tur e medidanan cu ta biniendo

Diamars atardi algo pasa di 4:30 patruya a bay parti pabou di edificio di corte di husticia, caminda un adicto ta sin paña.

Pagina 3

Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service

Your protection partner since 1996

INVEST SECURE N.V.

We don't just say it... We Guarantee it!

Phone: (297) 582-7252
E-mail: insec@setarnet.aw
f: [@investsecurearuba](https://www.facebook.com/investsecurearuba)

Payroll Pro HRM

Always accurate and easy customizable

Quick support from our locally based specialists

VCC International NV

- Complete integration of HRM and Payroll
- The #1 payroll software in the Dutch Caribbean
- For all commercial and governmental organizations

Tel.: 583-7072 | info@vcc-int.com | www.vcc-int.com

Caribbean Sea Jazz Festival Aruba 2018

RENAISSANCE FESTIVAL PLAZA

JORGE CELEDÓN

ARUBA, Aeropuerto Internacional Reina Beatrix, RENAISSANCE, DIVI RESORTS, UNOCA, Chill

THURSDAY JUNE 28
CASIBARI CAFÉ & GRILL
18:00-20:00 HRS

SATURDAY JULY 1
SUPERFOOD PLAZA
10:00-16:00 HRS

CSJF TICKET SALE EVENTS
YOUR LAST CHANCE TO BUY EARLY BIRD TICKETS

SEPTEMBER | BOOK ONLINE!
21&22, 2018 | CARIBBEANSEAJAZZ.COM

Un di e metanan di control ta pa percura pa cumplimiento cu permiso y pago debido tuma dor di comerciantenan

A constata hopi negoshi tumando lugar sin permiso riba tereno di pueblo

DIALUNA un team consistiendo di diferente departamento (Polis, Bureau City Inspector, DIP y DOW) a haci control riba e strip di Palm Beach unda cu a constata cu tin hopi cos ilegal tumando lugar.

Cosnan manera negoshi ilegal, borchinan, terasa construi, standbeeld poni e.o., riba tereno di Gobierno. Gran mayoria di esaki a constata cu no a pidi permiso.

Pa motibo di falta di control y personanan pa haci control, durante di e ultimo añanan, por a constata cu cos a bay for di man. Aworaki e controlnan ta tumando lugar regularmente pa percura pa re-establece ordo.

Robert Maduro kende ta di e Departamento di Control di DIP a splica cu e control cu a tuma lugar e siman aki tabata especificamente na Palm Beach y a scoge pa alerta tur esnan cu ta den violacion cu nan mester pidi pa nan permiso y pasa paga p'esaki.

Polis por actua y aplica boet, pasobra ora cu bo pone articulonnan riba tereno publico e ta encera cu bo mester permiso, sea e ta borchin, vehiculo of terasa.

'Pa locual t'e control, tin riba 45 procesverbal cu a wordo duna unda cu a constata un variedad di infraccion manera menciona anteriormente riba tereno publico.

Den e area di South Beach e idea semper tabata p'e area ta uno exclusivo, y cu e cantidad di kiosko mester keda minimo. Esnan cu a haya erfpacht tin stipula aden cu no mag di tin kiosko, cual a constata varios violacion tambe,' Robert Maduro a remarca.


Banda di e incumplimento di parti di comerciantenan pa locual ta permiso y pago, e area hotelero ta uno turistico hopi druk, y e meta di DIP den e caso aki ta pa crea un bista agradabel unda cu e turista y tur otro cu ta haci uzo di e area, por cana y bishita e diferente establecimiento den forma agradabel.

P'esaki ta posibel mester percura cu ta mantene e paseo di por lo menos 2- 2.5 meter, y unda cu ta posibel por permiti borchin y terasa.

Den e proces-verbaal nan cu a wordo entrega, segun Robert Maduro ta splica, ta stipula cu tin 3 dia pa acudi na DIP pa legalisa nan negoshi y ricibi precariovergunning.

DIP consecuentemente lo haci evaluacion di e peticion aki. Den caso cu no nan no por wordo legalisa, e siguiente paso ta pa move esakinan.

Esnan cu no acudi na DIP, lo ricibi un bishita di nobo pa eventualmente move e articulonnan for di e sitio. Pa trece e cantidad di proces-verbaal cu a wordo duna den perspectiva, a tuma nota cu den solamente dos caso tabatin permiso pa opera legalmente, cual ta duna indicacion cu ta trata di violacion basta grandi cu a sosode structuralmente durante añanan den e area.



Pa Corte

No tin motibo pa anula decision di retiro di Polis cu a maltrata su amiga y colega

RECIENTEMENTE tabatin veredicto den caso di ambtenaarnan di un funcionarianan policial cu a cuminsa un caso contra su retiro for di Cuerpo Policial. E ta haya cu e retiro no tabata husto, si comprar'e cu otro casonan.

Tabata dia 5 di mei di 2017 cu e funcionario aki a haya e castigo disciplinario di retiro of "eervol ontslag", cinco dia despues cu esaki a wordo firma (Gobernador). E funcionario policial (of ex) cu no tabata di acuerdo cu e decision aki a entrega su obhecion y e caso a wordo trata na maart di e añan aki y a finalisa cu su tratamiento dia 7 di mei ultimo.

E motibo cu a dun'e su retiro ta cu el a faya barbaramente cu su deber. Tabatin un investigacion penal contra dje y cu e tabata wordo sospecha di maltrato

di su amiga y intento di asesinato, maltrato, menasa, robo y destruccion cometi contra un colega femenino. Cu e comportacion aki e funcionario en cuestion a dañá integridad y imagen di dje y di Cuerpo Policial di Aruba severamente. Ta pone un standard halto pa integridad y confiabilidad di e ambtenaarnan y tambe di e funcionario aki mirando e funcion cu e ta ocupa, esta Polis. El a causa daño na integridad y confiansa ditanto KPA, Pais Aruba como di dje mes y no ta apto pa haci e trabou aki mas.

Ta parce cu el a comete e actonan aki den su funcion como polis y el a wordo haya culpabel di maltrato intencional di tanto su amiga como su colega femenino y hasta a haya un castigo di prizon di un

luna.

Corte tabata di acuerdo cu a firma su retiro pa motibo cu el a faya pa cumpli cu su deber y cu el a causa daño serio na number y imagen di KPA. Loke el a haci ta wordo considera algo hopi serio, mas ainda pasobra e tabata un funcionario policial. Un polis mester duna e ehempel, ta pone exigencianan halto na nan pa loke ta integridad y confiabilidad. Su hefe tabatin tur motibo pa dun'e su retiro. No por papia di discreplancia entre e castigo imponi y e infraccion cometi. Ademas no a acepta e argumento di "gelijkheidsbeginsel" pasobra no tin casonan similar den cual otro decision a wordo tuma. Y e casonan cu el a menciona no ta mes serio cu esun di dje, o sea cu e fayonan cometi ta mas serio di esun di dje.

Problema di adictonan ainda sin solucion

Diamars atardi algo pasa di 4:30 patruxa a bay parti pabou di edificio di corte di husticia, caminda un adicto ta sin paña.

NA yegada patruxa a topa cu un conoci di nan, e homber aki ta usa droga y ta un Paaz pashent. No ta prome biaha cu e homber aki ta kita paña y cana sunu.



E biaha aki polisnan a papia basta cune, pero asina mes ela nenga di bisti su paña completo.

Dado momento e agente mester a yude hisa su carson.

Polis a pidi transportwagen, caminda cu mas despues a hibe Hospitaal un biaha mas.

Aruba ta keda haye confronta tur dia, cu tipo di personanan aki cu ta sufri di enfermedad mental. Algun tempo atras, Paaz awor yama Respaldo, tawata completamente yen cu no por a tuma ni un persona extra.

E personanan aki ta forma un peliger pa nos comunidad.





Awe y tur diarazon, AWEMainta lo reanuda su columna conoci como Chicote na memoria di su fundador, Eithel Kroon. E tabata un columna masha popular y awor riba peticion di nos lectornan ta bolbe bin cune.

E columna aki ta manera e dicho ta: Nada en serio, todo en broma. Difunto Eithel Kroon ta conoci pa ta un persona masha satirico.

+++++

P.e. loke ta pasando bao di actual Gobierno, ta wega di schaak ta ser hunga, esta ta sigi y plan macabro pa destrui profesionalnan Arubiano, ta den pleno ehecucion actualmente.

+++++

Ta un secreto publico, cu Trudy Hassel ta un persona cu ta ambiciona e posicion di Alto Comisario den Cuerpo Policial y awor e lo bira Hefe di Departamento di Inmigracion, ora cu caba di merge Warda nos Costa y IASA.

+++++

Ta bon conoci, cu e oponente mas fuerte cu a practicamente prohibi Andin pa nombre como Alo Comisario, t'e propio Otmar Oduber, kende no NO ta gusta Trudy, at all. Trudy Hassell tempo cu el a aparece riba lista di Democracia Real, el a strobe PDR di haya un asiento, pasobra e ta conoci como un persona Anti-Latino.

+++++

Het kan verkeren, pasobra loke cu den pasado mesun Andin Bikker a critica maneho di MEP, hibando e practica di: Bula su cabez, awe e mes ta practica esaki.

Gerald ta un profesional bon studia, cu a sa di maneha su departamente sin "no nonsense" policy y ta pesey cierto trahador no ta guste y hasta a busca sosten di sindicato, creando e presidente cu ta sindicato awor ta goberna.

+++++

Hende ta mescos cu 'Chimina come lubida!' Net durante e Gobierno di MEP 2001 pa 2009 a bin cu e nombrenan pa kita Directornan for di nan puesto, segun info, 23 director, t'e practica awor cu e ta den Gobierno mesun cos!

Pesey "Bula nan cabez", pa haci lugar pami por nombra esnan cu mi kier.

+++++

Prome Minister Wever Croes a bisa cu lo baha gasto di Gobierno, pero ultimamente por a nota presencia di Minister Plenipotenciario, Guilfred Besarill, no su so, pero tambe tabata presente algun miembronan mas di Cas di Aruba. Pakico? Y nan tur hospedando den hotel di 5 strea, pa no bisa cu tur a bula den First Class di KLM, riba gasto di pueblo.

+++++

Cua Parlamentario cu tin compania di seguridad a haya e contrato

fabuloso pa vigila dump na Parkietenbos. Pa cuanto placa, pueblo kier sa. Si Gobierno no bin cu esaki, Chicote mes lo divulga esaki.

+++++

SEMPER pero Semper papia cu e verdad den bo man pero no ta tur hende ta comprende he dicho aki, sigur den arena político, caminda tur promesa di campaña a cay na awa. Durante di campaña politiconan cu asegura pueblo cu nan lo bay soluciona problema di nos Pais SIN tuma medida, awe medida ta e compas di nan maneho. Lider político cu a gana confianza di pueblo bisando cu e ta un experto den cifra y cu el a traha hopi año como hefe na Belastingkantor, awe e mesun EXPERTO aki cu a haya un promoción y ta Prome Minister, a bira victima di un amnesia total y ta demostrando cu e no tin solucion pa nada. Promesanan cu tin mesun balor cu cartanan dirigi pa Santa Claus na Noordpool.

Un pregunta cu esunnan cu ta cobra salario minimo ta puntra tur dia: "unda aumento di salario minimo a keda? No ta nos ta puntra, pero e trahado humilde cu a haya speransa ora cu el a tende durante campaña electoral, e bon noticia cu ta bay aumenta salario minimo. Awe e político cu a huramenta y bira Minister, tambe ta sufriendo di mesun ataca di 'amnesiasito' a pone e minister keda keto keto sinta y ta trata di no papia di e asunto aki mas. Tur esunnan cu a kere e grito ey awe tin mester di e aumento ey. Ya cu e sin cu Coalitie heffing no a drenta na vigor mes ainda pero ya Pueblo ta sintiendo e rosea cayente di esaki den prijsnan cu ta sibiendo tur dia den tur establecimiento nan di Aruba. Sr. Ministro con a para cu e aumento??? Help....help.... help.....he....

Cinderella ta un di e storianan mas bunita cu a yega di wordo skirbi y hasta traha na cine, ya cu e ta muestra un mucha pover cu ta haya un Prins namora di dje y su bida ta cambia di mucha pover pa Reina di un cuenta di hada. Tin un storia casi similar aki na Aruba pero den e mundo politico, caminda Cinderella ta ser hunga pa un compañera di flamante Minister y kende despues cu su minister den e rol di Rey, a nombra e dama aki den mayoria di conseho di companianan estatal, y tin cu puntra si esaki ta pa casualidad of pa beneficio personal e ta aparece den diferente comisariado di companianan estatal cu ta cai bou di cartera di un Minister. Mescos cu Cinderella e persona aki di berdad ta un hende cu hopi suerte y awe e ta coriendo den un caros di oro. Pa por hanja tanto chens asina pa gana hopi placa pero ta parce manera cu den e partido no tawatin mas hende pa por a ocupa e puestonan aki

Sinembargo mientras cu pueblo tin cu bay pasa den duro cu aumento di BBO cu 3.5%, tin un grupo cu contrario na pueblo, si suerte a tocanan den bon forma y nan no tin preocupacion algun, ni cu mdida of sin medida cu nan mes a impone riba pueblo. Pa algun tempo caba tin papia riba caya cu tin un Minister despues di seis luna den gobierno nobo, lo ta bezig ta huur un cas nobo pa e bai biba cu ta situa den un zona di luhoso y turistico na Malmok. Parce cu el a logra den algun luna di convence e partido cu a yam'e pa corrupto, a yude cambia su bida logrando cosnan cu e no por a logra den casi ocho año den un otro Gobierno. Esaki si ta un Minister cu suerte di pushi.

Pa Gobierno

VUT y kita periodiek cu retiro di grupo den overtollighedspool no ta suficiente

Mester manda trahadonan cas

LIDER di fraccion di AVP, Marlon Sneek a muestra cu e storia di VUT regeling no ta suficiente, nos sa cu bou di gobierno di AVP na cuater ocasion a ofrece vut regeling na trahadonan di gobierno y e grupo cu a acepta esaki, ta un grupo masha limita y claramente por ripara cu e reduccion di 12 miyon, lo no wordo logra cu e acuerdo di VUT. Halabes meste corda cu ora ta papia di VUT ta te despues di 3 anja e empleado ta realmente for di e payroll di gobierno.

“Minister presidente tambe a papia di personal den ‘overtollighedspool’ lo tin cu bin traha bek y si nan bin bek nan lo sigui cobra y gobierno tin cu bay spaar 12 miyon loke ta nifica cu trahadonan tin cu bay cas.

Esey ta loke minister presidente mester tin e curashi pa bisa e berdad psaobra otro forma of sistema no tin y un trahado cu tin derecho riba su ‘periodiek’ si no cambia e ley y kita esaki for di e trahado, e ta bay Corte y gana su caso tambe.

No mester traha storia cu no ta bay duna periodiek, e storia di overtollighedspool cu awor si nan tin cu bay traha y e areglo di VUT, ta un mentira pasobra tur gobierno a purba di pone tur hende cu ta den overtollighedspool

na trabou bek, tin un proceso cu mester sigui pa logra esaki y no ta di awe pa manjan.

Pa colmo gobierno ta papia di elimina overtollighedspool pero kico nos por ripara cu ta pasando, cu gobierno mes a manda hefenan di varios departamento cas, un tras di otro, yenando e overtollighedspool pero den mesun rosea ta bisa cu nan ta bay manda hende cas den e grupo aki.

Durante di e debate den Parlamento pa presupuesto 2018, minister Otmar Oduber a anuncia cu e ta bay yena DIP cu mas trahado pa motibo cu gobierno anterior no a nombra hende y ta un proceso cu minister presidente Evelyne Croes ta papiando di dje, ta loke gobierno di AVP a haci caminda a presenta VUT regeling, caminda tin hende cu ta bay cas for di servicio di gobierno, purba pa trata di haci uzo di tecnologia pa asina no mester nombra hende y e gobierno aki a yega y nombra 300 hende den servicio di gobierno.

Esey ta e realidad ya cu e gobierno aki a yega y yena tur vacatura cu tabata existi y den publicacion di comunicacion, practicamente tur dia ta anuncia vacaturanan cu mester

hende aki y mester hende aya, caminda na DIP y Serlimar, practicamente tur dia tin hende nobo ta drenta.

Un realidad bisto pa tur hende pero ta bin cu storianan fantasma cu no ta bay kita hende, cu ta bay purba cu diferente cos, pero hecho ta cu ya no tin nada mas pa purba. CAFT a bisa gobierno cu mester bay baha gasto di personal cu 12

miyon florin e ultimo 6 luna cu nos tin nos dilanti.

Ya no tin espacio pa weganan manera nos ta den proceso, nos a cuminsa pasobra di e procesonan cu minister presidente ta papia di dje, ta procesonan cu ta tuma tempo y cu su gobierno lo no yega na e suma di 12 miyon cu nan a priminti di logra. Gobierno sa cu si no cumpli cu loke nan a priminti di haci, un KB lo bin pa gabinete

Wever Croes despues di a benta un storia den scochi di Hulanda pa no haya un KB pero manera cu minister presidente ta papia, nos ta mira cu e KB ta bay bin ya cu paden ta bisa cu nan ta bay manda hende cas sigur pero ora cu e sali bin pafo dilanti pueblo, e ta bisa un otro storia cu gobierno lo no bay manda hende cas,” Parlamentario Marlon Sneek a señala.

CRYSTAL
Casino

World Cup Fever

COME, PLAY & WIN YOUR FAVORITE TEAMS JERSEY

EVERY WEDNESDAY
JUNE 13TH - JULY 11TH

9 winners will be announced every Wednesday at 9PM for a chance to win your favorite team

AUTHENTIC WORLD CUP JERSEYS

FIFA WORLD CUP
RUSSIA
2018

adidas

Receive 1 entry ticket for every 25 base-points earned weekly. Management reserves all rights. Keep it fun. Play responsibly. **the athlete's foot**

Parlamentari Marlon Sneek

Contrario na Prome Minister CAFT a confirma cu lo tin cu reduci gastonan di personal cu 12 miyon

NA momento cu gobierno a presenta su boletin extra siman pasa diabierna, e pensamiento di fraccion di AVP tabata cu gobierno lo anuncia cu lo anula e pakete di medida cu e tin intencion di impone riba pueblo di Aruba pero a bin resulta cu esaki tabata anuncia cu nan a bay di acuerdo cu exigencianan di CAFT cu ya anteriormente fraccion di AVP a bin ta trece dilanti for di momento cu a trata presupuesto 2018 den Parlamento.

Lider di fraccion di AVP, sr Malon Sneek a muestra cu for di inicio caba a ser muestra cu e presupuesto 2018 lo no carga cu aprobacion di CFT ya cu e tabata contene un cantidad di aspectonan cu no ta cuadra pero awor por mira con fraccion di MEP cu tur nan observacionnan di ‘inaceptabel’ pero awe CAFT ta muestra fraccion di MEP cu nan ta para riba e aprobacion di e tres fraccionnan cu ta sostene gobierno y a bisa cu un presupuesto

supletorio ta na caminda pa bolbe wordo trata pa parlamento dentro di poco.

“En realidad e mensahe di CAFT na e tres fraccionnan den parlamento ta cu nan tin cu cambia presupuesto 2018 ya cu e no ta bon y no ta sirbi y esaki ta di lamenta pasobra gobierno por a haci e tarea manera mester ta y manera cu miembronan di fraccion di AVP a bisa, cu e gastonan cu tin presupuesta riba personal, ta gastonan cu lo keda subi y cu esaki no ta cuadra cu acuerdonan cu a wordo haci y ta wordo haci.

Locual sigur a hala nos atencion ta cu despues cu nos a tuma nota di e comunicado di prensa emiti pa CAFT, ta bisa bon cla cu e gobierno aki mester bay baha 12 miyon florin di presupuesto pa loke ta trata personal pa e presupuesto 2018.

No ta Marlon Sneek ta bisa esaki pero CAFT ta bisa bon cla: “relaciona cu gastonan di personal, gobierno di Aruba a presenta un plan di personal den e documento di FEM,



cu ta su plan total, den cual gobierno tin como meta pa dentro di añanan, percura pa reduci gastonan di pesonal, esta cu mester baha esaki durante añanan cu ta bin.”

Un parti importante cu e comunidadado di CAFT ta muestra tambe y cu ta hopi importante, ta muestra lo siguiente: “pa 2018 gobierno lo tuma medida cu mester reduci gasto di personal cu 12 miyon florin.”

Pues pa e 6 luna nos dilanti, gobierno mester baha gasto di personal cu no menos cu 12 miyon florin y nos por a scucha prome minister algun siman pasa, como anticipacion di loke CAFT lo trece dilanti el

a trata di suavisa esaki, bisando entre otro cu su gobierno a entrega plan pa baha gasto di personal bisando: “lo no mishi cu salario ni beneficio di empleadonan publico,’ esaki el a bisa algun siman pasa y cu a keda publica den medianan di comunicacion y awor cu el a priminti CAFT cu e mester baha esaki, awor e mesun prome minister ta traha un comunicado di prensa y ta declara cu “minister presidente ta desmenti cu tin retiro di 300 ambtenaar,” Awor e ta bisa cu e no ta bay kita ningun beneficio, e no ta bay kita nada, e no ta bay kita ambtenaar pero e ora splica con e ta bay baha gasto di personal

cu 12 miyon florin aki? Ta ken minister presidente kier tuma haci, anto esaki ta pasa ora cu bo ta gaña di mas ya cu ora e ta gaña, e ta lubida kico el a bisa algun siman atras, el a declara cu e ta bay respeta tur locual empleadonan publico tin como derecho, ta pone cu e unico caminda cu ta keda ta di manda hende cas.

Esaki ya nos a scucha na Hulanda caba ora cu nos a atende e reunionnan di IPKO, cu ta hende lo wordo manda cas pero e minister presidente no tin e curashi pa bisa esaki,” lider di fraccion Marlon Sneek a muestra.

Peticion di lider di fraccion di MEP, sr. Rocco Tjon MBA, A pidi un bijeenkomst cu Minister President riba e tema di gasto di personal

DIABIERNA ultimo durante reunion cu CAFT, nan a trece padilanti cu gasto di personal den e aparato gubernamental ta keda un punto di preocupacion.

Segun CAFT, den nomber di sr. Raymond Gradus, Mike Eman y su Gabinete, a aumenta gasto di personal na aña 2017 te cu alrededor di 380 miyon florin.

MALINFORMA PUEBLO

Parlamentarionan di oposicion y cierto medio di comunicacion deliberadamente ta malinforma pueblo.

Lider di fraccion di MEP, sr. Rocco Tjon, ta na haltura cu Gobierno lo rebaha gasto na un manera responsabel y sin mishi cu derecho di e trahadornan. Apesar di esaki el a manda un peticion por escrito na Presidente di Parlamento pa a corto plazo invita Minister President pa, den un reunion cu lo wordo transmit, pa Minister President informa Parlamento y pueblo di e maneho di personal.

Lamentablemente esaki ta necesario dor di e manipulacion di oposicion y cierto medionan di



Deloitte.

De **Dienst Technische Inspecties (DTI)** ressorteert onder het Ministerie van Ruimtelijke Ontwikkeling, Infrastructuur en Milieu en is belast met het leveren van een positieve bijdrage aan de arbeidsveiligheid en/of technische veiligheid doormiddel van onder andere het adviseren en het ontwikkelen van beleidsregels, normen en voorschriften electrokeuringen. De Dienst Technische Inspecties verricht onder andere controle op electro concessie, ijk- en stoomwezen diensten, voertuigkeuringen en technische metingen. Ten behoeve van deze klant is Deloitte Dutch Caribbean op zoek naar kandidaten voor de functie van:

Hoofd Dienst Technische Inspecties

De functie

Als Hoofd Dienst Technische Inspecties bent u verantwoordelijk voor het integraal management van de Dienst en voor de dagelijkse bedrijfsvoering van de organisatie. U bent verantwoordelijk voor de strategische beleidsontwikkeling en -implementatie van de organisatie en voor het formuleren van beleidsuitgangspunten op het gebied van de dienstverlening in het kader van de inspectie- en keuringstaken. U geeft leiding aan een team van 46 medewerkers en u rapporteert aan de Minister van Ruimtelijke Ontwikkeling, Infrastructuur en Milieu.

Uw profiel

U heeft een relevante afgeronde WO opleiding en minimaal 5 jaar ervaring in een leidinggevende functie. U heeft kennis van en bij voorkeur ervaring op het gebied van veiligheidsinspecties, technische metingen, het ijkwezen. U heeft kennis van relevante wet- en regelgeving. U beschikt over uitstekende leidinggevende en analytische vaardigheden. U bent resultaatgericht, stressbestendig en assertief en u beschikt over excellente interpersoonlijke vaardigheden en 'people skills'. U bent integer, innovatief en communicatief vaardig en u heeft inzicht in het relevante werkveld. Tevens beschikt u over goede mondelinge en schriftelijke vaardigheid in het Nederlands, Engels en Papiaments, mondelinge en schriftelijke vaardigheid in het Spaans is een plus.

Het aanbod

Onze klant biedt marktconforme arbeidsvoorwaarden en een uitdagende functie in een dynamische omgeving.

Procedure

Voor nadere informatie kunt u contact opnemen met mevr. Esther Baaij, Senior Manager Human Capital Consultancy, Learning & Assessments bij Deloitte Dutch Caribbean via tel: (+297) 5286200. U kunt uw sollicitatiebrief en CV vóór 18 juli a.s. e-mailen naar vmcdonald@deloitte.aw. U ontvangt binnen twee werkdagen een ontvangstbevestiging. Een assessment kan deel uitmaken van de selectieprocedure. Uw sollicitatie wordt vertrouwelijk behandeld.



comunicacion.

ESTADO DI
DERECHO

Proceder di
Parlamentarionan di
AVP ta confirma cu
nan no ta compronde
e materia, segun Rocco
Tjon.

Hamas CAFT por
exigi cu un ley cu a
wordo aproba caba
dor di Parlamento,
wordo manda bek
Parlamento pa nan
adapta esaki.

Fraccion di MEP lo
eherce nan tarea di
control, pa loke ta trata
presupuesto for di den
Parlamento manera
debe ser y e prome
momento pa haci
esaki ta na augustus di
acuerdo cu e mocion
cu a wordo aproba
durante presupuesto.

Club habri ainda despues di 3'or di madrugada

UN club nocturno cu a wordo descubri habri na un hora cu nan mester tabata cera caba a haya unprocesverbaal for di Polis. Esaki no a cay den mucho bon tera.

Dialuna pa 3.25 di madrugada patruya cu tabata pasando riba J.E. irausquin Blvd, a mira diferente auto staciona dilanti e localidad Olde Molen. Pero pafo tambe tabatin diferente persona para pafo, bou di un dak, mientras cu pa e Polisnan ta conoci cu nan mester cera nan portanan pa 3'or di madrugada.

Tambe a scucha sonido duro di musica cu ta indica cu e luga ta habri ainda. Na momento cu e patruya a yega na e sitio, dilanti e localidad, mesora nan a paga e musica. E Polisnan a dicidi di baha

y a bay paden pa mira si nan ta dunando servicio ainda, cual lo ta un violacion di e permiso cu nan tin.

A constata cu bou di e terasa tin mas o menos 140 persona, para na bar y rond di un mesa cu bebida alcoholico, diferente sorto. Na bar tabatin algun persona para ta paga nan cuenta. A papia cu e persona cu ta maneha e luga, e bon conoci di nan di inicial F. Polisnan a inform'e cu e ta cometiendo un acto contra ley y pa 3.30 a traha un procesverbaal contra dje. Na momento cu a entregue esaki el a declara "haci loke cu boso mester haci" y a cana bay. Central di Polis a wordo poni na altura.

Atrobe Ladron rancando na porta di camber di turista

UN biaha mas un turista ta denuncia cu el a lanta den madrugada sintiendo cu hende ta rancando na porta di su camber. E denuncia aki a wordo haci dialuna ultimo.

Dialuna pa 3.35 di madrugada Central di Polis ta manda patruya di Noord na un hotel chikito pa un intento di kiebro. Na e sitio e Polisnan ta papia cu e guardia cu tabata para na frontdesk. Despues di a tuma algun informacion, el a compananan pa e camber unda cu e incidente a tuma luga.

Na e camber en cuestion e Polisnan ta papia cu e turista, e señora G., kende ta declara cu e mainta ey el a bay drumi. Dado momento el a scucha algun sonido straño, manera comosifuera cu un hende tabata forsando e schuifdeur for di pafo, di riba e balcon. Mesora el a lanta y a bay tira un bista, pero e porta no tabata kibra.

Ora cu el a bay tira bista el a mira un persona desconoci para pafo. E no por a mir'e bon door cu e cortina tabata cera. Si el a mira cu tabata traha di un hende homber, kende ta flaco, color scur, y cabey cortico. E tabata bisti cu short y lomba sunu. Na momento el a grita e homber, esaki a core bay, bulando for di e balcon di e camber cu ta na di dos piso.

Miedo a pone cu e señora di biaha a yama frontdesk. E ta cu vakantie na Aruba y ta kedando su so den camber. Gerencia a dicidi di dun'e un otro camber. Central di Polis a wordo poni na altura di e situacion.

Mama menasa door di yiu cu maltrato

DIALUNA den oranan di atardi Polis mester a interveni den un caso na Noord, unda cu, segun e melding cu a drenta, un yiu homber ta maltratando su mama.

Tabata trata aparentemente di e homber BM, kende ta conoci caba cerca Polis pa ta causa problema.

Na momento cu e Polisnan a yega na e cas na Noord, nan a mira cu e homber BM tabata hopi tranquil y ta para den porta sperando riba e Polisnan. E muher, mama di BMB, esta e señora SCP di 55 años, a bis cu atrobe su yiu a menas'e cu e lo maltrat'e.

Debi na e situacion anterior, e Polisnan a dicidi di bay cu e homber BM. Ta trata di un persona cu ta mentalmente instabil.

A hibe Warda pa trata di mantene calmo. Central di Polis y slachtofferhulp a wordo poni na altura. Na warda e tabata masha tranquil mes, probablemente pasobra e tabata bou influencia di marihuana. A dicidi di dun'e un cel te ora cu mira cu e lo no forma problema

Tiro a cay den Topaz

DIALUNA den oranan di anochi Polis ta wordo informa di tironan cu a wordo scucha.

Rond di 7'or di anochi ta drenta diferente yamada di habitantenan di e area di Topaz, bisando cu nan a scucha tiro, pero cu nan no sa exactamente for di unda esaki a bini.

Ban a bis cu nan lo indica na e patriuaya cu bini na e sitio for di ki area mas o menos e sonido tabata bini.

E patruya cu a bay na e sitio despues a informa cu aparentemente cu dos auto tabata coriendo tras di otro y dado momento a scucha e tironan. Probablemente e tironan a wordo lansa for di e autonan. E Polisnan a haci un investigacion den e bario y a keda di pasa rond pa tene vigilancia.

SERVICIO SEPTICO

eco tech aruba

- Residencial & Comercial
- Servicio Rapido
- Servicio Profesional, Confiabel y Garantisa

* Prijs di Awg. 65,- te max. di 7 m³
* Prices based on 3.5% BBO BAZV.

YAMA NOS NA: 582-4684
info@ecotech.aw
www.ecotecharuba.com

Like Us On Facebook

Nos ta Acepta ATM ora di duna septic service

Apertura Oficial

WELCOME

CUMPRABO LOTTO ONLINE



Ta yama tur delegacion di tur pais participante n'e competencia di landamento

Central American and Caribbean Amateur Swimming Confederation




Bon Bini, Bienvenidos, Welcome, na Aruba y ta desea cada uno di e paisnan participante, n'e respectivo atletanan (479) n'e 146 oficialnan deportivo di 24 pais

Tur clase di exito, unda e atletanan lo estrecha sigur e lazo di amistad nobo

Boso tur lo disfruta di e inversion cuantioso cu Fundacion Lotto pa Deporte a y ta haciendo pa brinda e facilidad deportivo aki, Piscina Olimpico Roly Bisslik pa por organisa un evento di e magnitud aki.

Masha danki na tur esnan cu ta cumpra Lotto pa por inverti pa haci nos deportistanan grandi



Robert Maduro (DIP)

Taskforce ricibiendo mas cooperacion di parti operadornan pa local ta cumplimento cu Beach Policy

TASKFORCE Beach Policy activamenta a bay ta haciendo un tremendo trabou durante di e ultimo lunanan. Den unda un tempo relativamente corto a logra re-establece ordo cu tabata necesario riba nos beachnan. E Taskforce a muestra operadornan riba nos beachnan riba e puntonan stipula den e Beach Policy y kico cada operador of 'vergunning houder' mester cumpli cu ne y a percursa pa enfora e



reglanan aki por medio di control ta tumando lugar regulante.

Pa local t'e controlnan,

sr. Robert Maduro di DIP a indica cu e cooperacion cu ta ricibi cerca operadornan di e.o. watersport y

hotelnan ta hopi mas mihor.

DIP y Polis ta efectuando e controlnan y percursa cu operadornan ta sigui cumpli pa local t'e cantidad di e.o. stoel y parasol cu nan mag di tin di acuerdo cu nan permiso y tambe unda esakinan mag di ta poni.

Hopi biaha ta ricibi tip di biaha di e companianan di watersport cu ta cumpliendo awor cabalmente, kende ta yama bisa cu tin uno cu no ta cumpliendo, of ta haya reclamo di hotelnan tambe pa local ta otronan den nan cercania cu no ta den cumplimento.

Pues e 'social control' ta basta skerpi aworaki cual ta facilita e ehecucion di e Beach

Policy. Recientemente DIP a percursa pa saca e facturanan nobo pa re-establece e permisonan unda cu cada operador ta haya nan vergunning nobo den cual a 'verscherp' e condicionnan pa opera, sr. Maduro a splica.

Finalmente Robert Maduro a enfatisa cu e '3 strikes out policy' ta na vigor y lo percursa pa sigui controla y percursa pa cumplimento den tur aspecto.

Esaki na bienestar di area y pa minimalisa e retonan cu tabata conoce regularmente riba nos beachnan y pa eventualmente nan bira algo di pasado.

Considerando con importante e ta, na bienestar di nos pais, p'esnan cu ta opera riba nos beachnan por duna bon servicio.



COMMERCIAL REFRIGERATION

SERVICE & REPAIR
for Resorts, Restaurants & Grocery Stores



- ✓ Fast Response
- ✓ Solution Oriented
- ✓ Reliable Services
- ✓ Improve & Extend Unit Efficiency and Effectiveness
- ✓ Malfunction Prevention



CONTACT US:
A Caya Ernesto Petronia 45
T 588.2860 C 563.3766
E fertecnv_mfer@outlook.com
F [airconditioningaruba](https://www.facebook.com/airconditioningaruba)
Opening Hours
Dialuna - Diabierna: 8am - 5pm
Diasabra: 9am - 1pm

Minister di Finansa, Asuntonan Economico y Cultura mr. Xiomara Ruiz Maduro ta anuncia:

Standard & Poor's ta re-afirma credit rating di gobierno di Aruba na BBB+

FOR di Standard & Poor's a ricibi un noticia cu e credit rating (grado di credibilidad financiero) di gobierno di Aruba a wordo manteni. Esaki ta resultado di un evaluacion teni door di Standard & Poor's despues di un bishita di trabao efectua na Aruba den final di e luna di April caminda cu a topa cu varios actornan den gobierno y sector priva. E ratings outlook, cual ta refleha e prospecto cu Standard & Poor's ta hiba pa un mehoracion di e rating den futuro inmediato, a bira negativo. Esaki refleha e hecho cu crecimiento economico lo no ta manera cu anteriormente esaki a wordo premia aña pasa y e peso mas grandi di debe di gobierno compara cu local tambe a wordo premia aña pasa. E situacion di crecimiento economico grandemente e resultado di e situacion rond di e refinancia y e situacion di debe resultado di un proyectonnan

demasiado optimista cu a wordo usa anteriormente. Aña pasa Standard & Poor's ya caba a baha e outlook for di positivo pa "stabil". Standard & Poor's pa e motibo aki y al igual cu gobierno di Aruba ta premia un crecimiento mas realistico den e aña cu ta bin cual lo ta igual cu e añanan cu a caba di pasa. Den e añanan reciente, Standard & Poor's ta indica, crecimiento economico tabata basta mediocre.

Esaki den combinacion cu deficitnan a conduci na nivelnan eleva di debe di gobierno.

Standard & Poor's ta duna reconocimento pa e decisionnan dificil tuma e aña aki pa purba reduci di manera structural e deficitnan. Como otro puntonan fuerte cu ta accentua e grado di credibilidad ta e grado halto di desaroyo y relacionnan constitucional cu Hulanda.

Gobierno di Aruba, en particular e ministro encarga cu Finanzas, Economia y Cultura, Sra. Xiomara Ruiz-Maduro, kier gradici tur esnan cu di un forma of otro a coopera na e resultado aki caminda, a pesar di e desafionan financiero grandi cu gobierno y comunidad tin su dilanti, a logra gana e confiansa di esnan cu tin di evalua credibilidad financiero di gobierno.

Aprobacion di Presupuesto 2018 ta duna confiansa na inversionistanan

MINISTER di Finansa, Asunto Economico y Cultura Xiomara Ruiz-Maduro:

“E hecho cu CAFT a duna e seyo realistico na Presupuesto 2018 ta debi na e forma diligente cu Gobierno a traha pa asina por yega na un Presupuesto supletorio pa 2017 y un Presupuesto pa 2018. E maneho di gobierno ta pa recobra e credibilidad financiero di pais Aruba, pa asina nos pais por sigui haya e inversionnan necesario. Como inversionista bo mester por confia cu bo inversion ta den bon man y cu e gobierno ta traha pa mantene un finanzas publico manehabel pa no mester haya sorpesa cada aña, esaki ta loke Minister di Finanza Xiomara Ruiz Maduro ta bisa den un declaracion pa prensa.

El a sigui bisa cu Gobierno a tene cuenta cu tur recomendacion y preocupacion vocifera pa CFT riba Presupuesto 2018. Den diferente carta a duna splicacion y a manda informacion extra pa asina por acerta na CFT, cu e contenido di Presupuesto 2018 ta cuadra cu realidad. Esaki a pone cu diabierna ultimo CFT a duna un seyo realistico na Presupuesto 2018. E noticia aki fuera di ta trece e tranquilidad necesario cu gobierno tin mester pa por goberna, e ta trece tambe e tranquilidad y confiansa pa inversionistanan por inverti den nos economia.

“Gobierno di Aruba a scoge pa tuma e pasonan necesario pa asina pais Aruba por recupera su credibilidad financiero.” Minister Xiomara Ruiz-Maduro a trece dilanti.




ATENCION PA TRABOUNAN Ariba E RUTA DI ORANJESTAD - SAN NICOLAS



Entrante diaranson 27 di juni 2018 for di 9'or di mainta pa 4'or di atardi lo bay cera e caminda principal direccion San Nicolas pa trabounan di raspa y asfalta e caminda menciona. E caminda lo keda habri pa trafico direccion Oranjestad y lo desvia trafico direccion San Nicolas via Zeewijk.

DOW y C.I.C. N.V. ta pidi pueblo di Aruba y tur automobilista pa tene cuenta cu e trabounan ariba e ruta menciona.



Tur 10 cursista di Verificateursopleiding di Aduana a slaag cu exito

RECIENTEMENTE Director di Departamento di Aduana, sr. Roderick Croes, conhuntamente cu Minister President sra. mr. Evelyn Wever Croes y Hefe di Opleiding sr. Nic Quandus a haci entrega di e certificado na tur 10 cursista di e opleiding pa rango di Verificateur der Invoerrechten en Accijnzen.

E ceremonia y entrega di diploma a tuma lugar den e Aula di Universidad di Aruba, den compania di miembronan di Management Team, Secretaria di e opleiding sra. Patricia Flanders-Illis, Coordinador di e Verificateursopleiding sr. Paul Vandormael, docentenan, e 10 cursistanan y nan ser keru. Como invitado special e ex Verificateur der I&A sr. Toko Tromp tambe tabata presente.

Minister President sra. mr. Evelyn Wever Croes a felicita y elogia tur 10 cursista cu a cuminsa e opleiding y awor ta termina esaki cu exito y a duna nan palabranan di motivacion y a felicita nan cu nan logro como specialista riba e tereno di Douane Techniek.

Departamento di Aduana ta gradici y felicita cada un di e 10 cursistanan y ta desea nan hopi exito den nan carera como Verificateurs der Invoerrechten en Accijnzen.



Anuncio Importante

The Media Group / AWEMainta ta anuncia cu entrante

1 di juli 2018 nos **NO** ta acepta cheque mas.

Por favor tuma bon nota di e anuncio importante aki.

Di antemano masha danki pa e cooperacion.



E 10 Cursista di e Verificateursopleiding di Departamento di Aduana a slaag cu exito ta: Edgard Croes, sra. Anna Cristina Croes-Gonzalez, sra. Sharina van der Biezen-Hernandez, sra. Angeli Leerdam-Nuboer, sra. Mildred Franken-Peña, sra. Deyanira Ras, sra. Eliane Riley, sra. Ivette Semerel, sr. Enrico Soto y sra. Marilyn Webb.

Un danki ta bay na Director di Departamento di Aduana, Minister di Finansa, Economia y Cultura, Universidad di Aruba, Secretaria, Coordinador y Docentenan di e Verificateursopleiding tanto na Aruba y Belastingdienst Centrum voor Kennis en Communicatie (BCKC) na Hulanda unda tabatin un bon colaboracion entre Aduana di Aruba y Aduana Hulandes.

Un gradicimento inmenso ta bay na famianan di e cursistanan pa tur nan esfuerso y sosten. Tambe n'e afdeling Algemene Zaken y demas empleadonan cu a duna nan aporte pa cu e curso aki ta realisabel.

Gerencia, staff y empleadonan di Departamento di Aduana ta desea tur cursista hopi exito y forsa den nan carera den e rango como Verificateur der Invoerrechten en Accijnzen.

Segun Gobierno
**Ningun pensionado ta
 perde reparatietoeslag**

“DEN ultimo dianan por tuma nota cu lider di Partido AVP Mike Eman a lanta cabes y ta bruhandu tera formalmente. Si Mike Eman ta cuestiona cosnan cu ta berdad, e no por wordo critica pa haci asina. Pero ora cu e ta cuestiona cosnan a base di mentira, e ora si mas cu claro mester para e mentira. Gobierno di Aruba kier enfatisa un biaha mas, pensionadonan no ta bay perde Reparatietoeslag manera cu señor Eman ta indica. Entrante prome di juli, Reparatietoeslag di tur pensionado lo subi di cien florin pa 125 florin pa luna. Esaki ta e decision cu Gobierno di Aruba a tuma y ta den ehecucion,” ta wordo bisa den un declaracion ricibi for di Gobierno.

Gobierno di Aruba ta haci un apelacion na pensionadonan pa no cay den trampa di Eman. No cay den mentira di Eman cu ta basa solamente riba manipulacion. E Reparatietoeslag lo aumenta pa tur pensionado. “Mike Eman por kere cu e por sigui gaña nos pensionadonan, pero nos pensionadonan si te ainda ta corda con señor Eman a gaña nan. Nan ta corda ainda con señor Eman a kita Gelijkbedrag y e Bashipremie. Sumanan cu Mike Eman a kita for di e pensionadonan pa asina e por a haya mas placa pa e por a malgasta na biahamento y fiestamento. Na un derochamento di placa sin fin. Y awe, ta di lamenta cu e pensionadonan mester biba sin e Bashipremie y sin e Gelijkbedrag.”

Ora cu e Gobierno actual a pensa di bin y drecha esaki pa nos pensionadonan, a bin encontra cu un situacion financiero hopi mas malo cu por a imagina y cu ta stroba pa por coregi tur e erornan di Mike Eman. Pero pensionadonan ya no ta kere Mike Eman mas. E diesdos mil pensionadonan cu señor Eman ta referi na dje, lo no perde e Reparatietoeslag pero lo conoce un aumento di 100 florin pa 125 florin pa luna. Mike Eman semper a gaña pueblo y ta keda un mentiroso patologico.

Gobierno di Aruba ta haci un apelacion na pensionadonan pa no cay den trampa di oposicion. No cay den mentira di señor Eman cu ta basa solamente riba manipulacion. E Reparatietoeslag lo aumenta pa tur pensionado. Esaki ta e decision cu Gobierno di Aruba a tuma y ta den ehecucion.

Johnson
 notary services

AUCTION

THURSDAY JUNE 28, 2018

On June 28, 2018, at 11 AM, at the Conference Room of the Chamber of Commerce, Aruba, will be auctioned in public:

EX. 3:268 JO. 3:254 CIVIL CODE OF ARUBA:

A condominium locally known as

THE RESIDENCES AT DIVI GOLF & BEACH RESORT UNIT # 23

locally recorded as First Department Section K number 4066-A apartmentindex 23, consisting of:

- the exclusive right to use a condominium on the 1st floor;
- a 1.69 % undivided share in "The Residences at Divi Golf & Beach Resort"-buildings and facilities situated at Irausquin Boulevard Irausquin Boulevard 41, Eagle.

Starting bid: US\$ 254.800,--

EX ART. 502 E.V. CODE OF CIVIL PROCEDURE:

A residential house with apartments, locally known as

SAN BARBOLA 63

standing in a parcel of full ownership land, 3.122 m2 in size, situated at San Barbola in Aruba, locally recorded as First Division Section P number 2723.

Starting bid: Afl. 854.449,--

AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.

For more information:

WWW.JOHNSONNOTARY.COM



AUCTION

THURSDAY JUNE 28, 2018

On June 28, 2018, at 11 AM, at the Conference Room of the Chamber of Commerce, Aruba, will be auctioned in public, ex. 3:268 jo. 3:254 Civil Code of Aruba:

1. A residential house locally known as:

BALANDERSTRAAT 16

standing on a parcel of public land, 345 m2 in size, situated at Balanderstraat in Aruba, locally recorded as First Division Section F number 778. The term of the lease rights expire on November 3, 2027.

No reserve price will be used for the auction of this property.

Only serious offers will be considered.

2. A residential house locally known as

BRAZIL 160

standing on a parcel of public land, 600 m2 in size, as further described in cadastral measure document no. 250/1949. The term of the lease rights has expired on January 7, 2010.

No reserve price will be used for the auction of this property.

Only serious offers will be considered.

3. A residential house locally known as

ST. ANTHONIEBERGWEG 6

standing on a parcel of public land, 529 m2 in size, as further described in cadastral measure document no. 233 / 1975. The term of the lease rights has expired on October 11, 2015.

Starting price: Afl. 104.000,--

AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.

[For more information:](#)

WWW.JOHNSONNOTARY.COM

Marisol Lopez-Tromp, lider di fraccion di POR

CAFT ta haya cu Gobierno ta cumpliendo



DEN conferencia di prensa di fraccion di POR, Marisol Lopez-Tromp a comenta cu tur fraccion den Parlamento a reuni cu CAFT den cual e organo di control aki a duna un splicacion di e ultimo desaroyonan pa loke t'e situacion financiero na Aruba, particularmente presupuesto 2018.

CAFT ta haya cu Gobierno ta cumpli cu e consehonan cu nan a duna, cu Gobierno ta dunando e importancia na reduci e debe di Aruba y hiba un maneho cu ta bay den bon direccion.

Lider di fraccion di POR ta considera e noticia aki uno positivo, mas ainda teniendo na cuenta e situacion financiero cu Gobierno actual a hereda, cual ta uno den cual nos pais no solamente ta hopi endeuda, pero tambe cu un presupuesto cu mester a wordo adapta, cu un presupuesto cu no a wordo entrega na tempo, manera prescribi pa ley, dor di e ex Minister di Finansa, mr. Angel Bermudez y esaki a pone cu a tarda cu tratamiento di dje den Parlamento.

Aruba, Bonaire, Curacao, Sint
Maarten y islanan BES
**Korpschefnan den Reino a
haci bishita na Hulanda**



RECIENTEMENTE a tuma lugar bishita di cortesia di trabou di Alto Mando Policial di Aruba, Curacao, Sint Maarten y islanan BES na Hulanda.

Durante simannan di trabou na Hulanda a haci bishita na Koninklijke Marechaussee na Schiphol, Dienst Landelijke Operationele Samenwerking (DLOS), Financial Intelligence Unit (FIU), Politieacademie, het Nederlands Forensisch Instituut (NFI), de infocel Caribene Team High Impact Crimes (HIC) di Rotterdam, Ministerio di JenV en Binnenlandse Zaken en Koninkrijksrelaties.

Tur esaki den cuadro di un bon relacion den Reino Hulandes y hunto por haci e trabou aki mas central. Nan a bishita Korpschef di Hulanda cu ta sr. Erik Akerboom un encuentro cu a tuma lugar n'e oficina principal na Den Haag. Hunto nan a elabora y repasa riba diferente tema cu ta importante pa traha hunto bao di un solo dak den Reino Hulandes.

Un di e momentonan special, pero tambe un momento pa recorda dicon ta importante pa traha hunto ta loke cu a sosode cu nos isla ruman Sint Maarten. Korpschef Carl John di Sint Maarten a muestra nan un video na su coleganan y aki el a muestra e orcan Irma cu a pasa riba Sint Maarten dia 6 september 2017.

“Ta danki n’e sosten di Hulanda y na tur otro coleganan y isla rumanan cu a yuda nos pa pone Sint Maarten bek riba pia”. Esaki t’e motibonan dicon ta importante cu nos relacion di Cuerpo Policial Aruba ta importante den Reino Hulandes.

Un momento importante cu e Korpschefnan a haci un bishita di trabou na Hulanda pa reforsa e union den Reino pa cualkier calamidad, pero tambe temanan cu ta inserta husticia y pa combati criminalidad hunto.

Johnson
notary services

AUCTION

THURSDAY JUNE 28, 2018

On June 28, 2018, at 11 AM, at the Conference Room of the Chamber of Commerce, Aruba, will be auctioned in public, ex. 3:268 jo. 3:254 Civil Code of Aruba:

1. A residential house locally known as

ROOI AFO 50-E

standing on 2 parcels of public land, 368 and 384 m2 in size, situated in Rooi Afo in Aruba, locally recorded as First Division Section P number 657. The term of the lease rights will expire on October 21, 2037.

Starting price: Afl. 270.000,--

2. A residential house locally known as

TANKI LEENDERT 139-Z

standing on a parcel of full ownership Land, ca. 376 m2 in size, being a part of the parcel locally recorded as First Division Section L number 3367, with index D 5880.

Starting price: Afl. 270.100,--

3. a residential house locally known as

TEBENKI 15

standing on a parcel of property land ca. 726 m2 is size, being a part of the parcel locally recorded as First Division Section K number 1591, with index D13205.

Starting price: Afl. 350.000,--

4. a residential house locally known as

PAPILON 23

standing on a parcel of property land, ca. 875, being a part of the parcel as further described in cadastral measure document no. 16/1959, with index D 92871 as well as a parcel of property land, ca. 221 m2, being a part of the parcel as further described in cadastral measure document no. 221/1971, with index D 96005

Starting price: Afl. 250.000,--

AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.

For more information:

WWW.JOHNSONNOTARY.COM

A.C.C.
Aruba Climate Control NV
Since 1992

FLEMMINGSTRAAT 12
583-8959 / 592-2630

DAIKIN
PARTNER Unitary

ALL NEW

VRV

INVERTER FAN COILS
INVERTER PACKAGED UNITS
CASSETTES
MODULAR CHILLERS

P-SERIES
INVERTER



Performance evaluation

Payroll Pro
HRM

www.payrollprosoftware.com

PLAY NOW

CUMPRABO LOTTO ONLINE

Lotto
Cambiando biba...

www.lottoaruba.com

Grupo A

Russia 5	V/S	Saudi Arabia 0
14 Juni - 11:00 am		
Egypt 0	V/S	Uruguay 1
15 Juni - 8:00 am		
Russia 3	V/S	Egypt 1
19 Juni - 2:00 pm		
Uruguay 1	V/S	Saudi Arabia 0
20 Juni - 11:00 am		
Saudi Arabia 2	V/S	Egypt 1
25 Juni - 10:00 am		
Uruguay 3	V/S	Russia 0
25 Juni - 10:00 am		

Grupo B

Morocco 0	V/S	Iran 1
15 Juni - 11:00 am		
Portugal 3	V/S	Spain 3
15 Juni - 2:00 pm		
Portugal 1	V/S	Morocco 0
20 Juni - 8:00 am		
Iran 0	V/S	Spain 1
20 Juni - 2:00 pm		
Iran 1	V/S	Portugal 1
25 Juni - 2:00 pm		
Spain 2	V/S	Morocco 2
25 Juni - 2:00 pm		

Grupo E

Costa Rica	V/S	Serbia 1
17 Juni - 8:00 am		
Brazil 1	V/S	Switzerland 0
17 Juni - 2:00 pm		
Brazil 2	V/S	Costa Rica 0
22 Juni - 8:00 am		
Serbia 1	V/S	Switzerland 2
22 Juni - 2:00 pm		
Switzerland	V/S	Costa Rica
27 Juni - 2:00 pm		
Serbia	V/S	Brazil
27 Juni - 2:00 pm		

Grupo F

Germany 0	V/S	Mexico 1
17 Juni - 11:00 am		
Sweden 1	V/S	S. Korea 0
18 Juni - 8:00 am		
S. Korea 1	V/S	Mexico 2
23 Juni - 11:00 am		
Germany 2	V/S	Sweden 1
23 Juni - 2:00 pm		
S. Korea	V/S	Germany
27 Juni - 10:00 am		
Mexico	V/S	Sweden
27 Juni - 2:00 pm		

WORLD FOOTBALL CHAMPIONSHIP

WIN A 75" TV AND A SHARE OF \$12,000 IN FREE SLOT PLAY!

Alhambra
CASINO AND SHOPS

Open daily 10am to 4am • J.E. Irausquin Blvd.



Budweiser
ARUBA
**FIFA WORLD CUP
RUSSIA 2018**

f Playa Liquor and Bottling co NV
f Budweiser FIFA World Cup Russia 2018

Grupo C

France	V/S	Australia
2	16 Juni - 6:00 am	1
Peru	V/S	Denmark
0	16 Juni - 12:00 pm	1
Denmark	V/S	Australia
1	21 Juni - 8:00 am	1
France	V/S	Peru
1	21 Juni - 11:00 am	0
Australia	V/S	Peru
0	26 Juni - 10:00 am	2
Denmark	V/S	France
0	26 Juni - 10:00 am	0

Grupo D

Argentina	V/S	Iceland
1	16 Juni - 9:00 am	1
Croatia	V/S	Nigeria
2	16 Juni - 3:00 pm	0
Argentina	V/S	Croatia
0	21 Juni - 2:00 pm	3
Nigeria	V/S	Iceland
2	22 Juni - 11:00 am	0
Nigeria	V/S	Argentina
1	26 Juni - 2:00 pm	2
Iceland	V/S	Croatia
1	26 Juni - 2:00 pm	1

Grupo G

Belgium	V/S	Panama
3	18 Juni - 11:00 am	0
Tunisia	V/S	Engeland
1	18 Juni - 2:00 pm	2
Belgium	V/S	Tunisia
5	23 Juni - 8:00 am	2
Engeland	V/S	Panama
6	24 Juni - 8:00 am	1
Engeland	V/S	Belgium
	28 Juni - 2:00 pm	
Panama	V/S	Tunisia
	28 Juni - 2:00 pm	

Grupo H

Colombia	V/S	Japan
1	19 Juni - 8:00 am	2
Poland	V/S	Senegal
1	19 Juni - 11:00 am	2
Japan	V/S	Senegal
2	24 Juni - 11:00 am	2
Poland	V/S	Colombia
0	24 Juni - 2:00 pm	3
Senegal	V/S	Colombia
	28 Juni - 10:00 am	
Japan	V/S	Poland
	28 Juni - 10:00 am	

Budget

Escape the everyday.™

KICK & WIN!
WORLD CUP SWEEPSTAKES

PA PARTICIPA CUMPRÁ 2 PAKI CERES DI 1 LITER
Deposita bo prueba di pago cu bo number y telefon na bo supermercado preferi di na Manrique Capriles Aruba (Wayaca 33-D)

CAMPAÑA TA VALIDO FOR DI 21 DI JUNI TE CU 11 DI JULI. TA ANUNCIAR GANADOR 19 DI JULI.
PA MAS INFORMACION YAMA 583 4036

Ceres

gamma
IT SOLUTIONS

Software Development
Project Management
IT Consultancy

www.gamma-itsolutions.com

Panadería del Pueblo
"Wonda Loaf"

**Pa e miho pan durante
Mundial**

FIFA WORLD CUP
RUSSIA 2018

June 11 - July 13, 2018

Catch Football Fever with 9 Drawings every Friday with 3 Winners at 9, 10 and 11 pm

Receive one entry for every 25 Football Points or 4 Table Credits.

#47 • 583.5000 • casinoalhambra.com

RUSSIA
FIFA
WORLD
CUP
2018

TOKO DAKOTA

Pa tur bo pasa boca,
bishita nos

Booshi Wever di UPP:

Draaimento di un mentira no ta haci ni un mitar berdad!

TA un tristo realidad cu pueblo tin por lo general un memoria cortico, te ora cu e realidad dal duro y lant'e for di soño. E lamento lo cuminsa, pero lamentablemente laat, pasobra ya caba e daño ta haci y no tin paso atras.

Un ehempel recien t'e desaster financiero cu e Gobierno anterior a laga atras, cu e "sprookje" di Green. Nos pueblo hunto cu Parlamento a para wak sin haci nada, asina e lider di UPP, Booshi Wever a cuminsa su comentario.

Nos a denuncia na diferente ocasion e forma con Minister Otmar Oduber y Serlimar ta trata na hustifica un maneho ad-hoc, sin cu a presenta un plan integral y sin cu a responsabilisa cuanto e maniobranan di e Minister lo bay costa pueblo, mientras cu ta compromete nos pais financieramente.

Nos mester constata cu, los di algun periodista critico, masha poco atencion a wordo dedica n'e topico aki. Ta parce cu e fiesta cu tabatin den e gobernacion anterior, unda tabatin periodistanan comprometi, ta sigui. "Geen haan die ernaar kraait"!!

E Minister parece di tin aprobacion di e Gobierno y Parlamento. Pues caminda ta hancho habri pa dealnan wordo sera y Serlimar tin e permiso pa cuminsa manipula opinion publico cu informacionan incorrecto. Recientemente

Serlimar, cu tin un batayon di hende den Departamento di Marketing pa manipula, a publica den medionan di comunicacion y riba su facebook un articulo na unda ta relata diferente punto cu nos ta haya nos mes obliga pa reacciona.

Den e articulo aki a cuminsa cu e manipulacion pa purba di romantisa y hustifica e "sprookje" di Otmar Oduber.

Na prome lugar ta argumenta cu despues di 60 aña ainda ta deposita desperdicio na Parkietenbos. Ta berdad cu ainda desperdicio ta wordo deposita, pero a lubida di menciona cu durante Gobernacion di MEP a bin un solucion real, sostenibel, tanto pa nos medio ambiente como financieramente. Pero cu esaki a wordo boycotea e.o. door di e Minister actual di

Medio-Ambiente hunto Benny Sevinger.

Pa 8 aña largo, den locual e Minister actual a participa 7 aña, TUR cos a wordo haci p'e solucion cu MEP a bin cun'e, fracasa.

Den e sentencia di 16 di februari 2016 (A.R.no.1041 van 2011) Huez a bisa cla y raspa cu Gobierno di AVP/POR a boycotea e proyecto dor di e.o. no percursa pa diesel, pieza, lubricacion necesario, tira crankshaft etc.etc. Serlimar ta argumenta cu e proyecto di Bouldin & Lawson (B&L) a fracasa, pasobra diferente investigacion lo a constata cu e fluff

lo tabata contamina.

Si encaso esey ta berdad, ex-Minister Sevinger hunto cu Otmar Oduber lo a haci drama y fiesta den Parlamento cu e investigacionnan aki.

Nos ta sigur cu tanto Benny Sevinger y Otmar Oduber lo a zwaai cu e documentonan aki mescos cu a zwaai cu e "maandverband" den Parlamento of mescos cu Otmar Oduber tabata zwaai cu e "huurcontracten" di Papa, Tanchi, Ruman etc.

Alabes lo a uza e investigacionnan aki pa desacredita B&L den e tantisimo casonan cu Gobierno a perde den Corte contra B&L. Y por ultimo Serlimar lo a uza esaki tambe for di un principio como argumento pa no uza B&L como un posibel opcion.

Pero alcontrario, e Minister a hasta invita B&L pa bin evalua e planta recientemente y a paga un par di mil dolar pa nan bin Aruba, segun Booshi Wever.

Despues cu a perde varios caso caba Otmar Oduber y su gang di Alibaba a paga un compania amigo pa bin cu un raport cu e solo meta pa hustifica e boycott di e proyecto aki. Y den e raport ey den pura y sin cu niun hende sa, a gaña haci un test, despues cu e planta ya tabatin 2 aña for di servicio.

Den mesun sentencia di 16 di februari 2016 Huez a bari e raport mediocre aki completamente for di mesa na unda na un manera hopi cla Huez

a declara cu e fluff ta cumpli cu loke e contract ta bisa, esta cu e ta cumpli cu e normanan di USEPA.

Apesar di e sentencia aki tog e makinaria di propaganda di Otmar Oduber, por medio e Departamento di Marketing di Serlimar kier uza e mesun raport aki pa bin cu e manipulacion aki.

Otro argumento t'e Seroe di Teishi. Aki ta COBA un buraco, contrario na loke a ser bisa anteriormente dor di e Minister cu lo uza e "environbales" pa yena e buraconan existente riba nos isla. Pa colmo a "lubida" di proteha e tereno dor di pone "liners" prome cu a pone e balenan. Benta e "environbales" aki sin "liners" por ta daniño pa nos medio ambiente. Unda e NGO-nan ta keda? Straño ta cu Serlimar tin e bul-tonan di "liners" warda na San Nicolas y no ta conoci desde cuando y kende a paga pa cumpra e "liners" y pa colmo sin cu tabatin un destaho publico pa esaki. Den e Decreto Ministerial di dia 17 di december 2017 na unda ta apunta cu Seroe di Teishi tambe lo ta un LANDFILL, ta poni cu ECOGAS MES lo mester haci e testnan bou supervision di Directie Natuur en Milieu(DNM).

Pregunta ta cuanto biaha esaki a ser haci desde cu a cuminsa dump e saconan di plastic den e buraconan recien caba?? Alabes

ta stipula cu esaki mester ta conforme e "vastgestelde normen" di DNM. Ta interesante pa sa na unda esakinan a wordo publica?? Ta di lamenta cu ni e NGO's riba tereno di medio-ambiente ni Parlamento a haya necesario pa pidi e Minister aclaracion riba e proyectonan cu e Minister ta laga ehecuta di un forma ad-hoc. No ta responsablisa cuanto e dealnan aki ta costa e caha di Gobierno of e saco di e ciudadano. Tampoco ta cuestiona cuanto e plan den su totalidad lo costa y con lo bay paga p'esaki.

Ta nombra dos Director na Serlimar, tur dos cu un salario astronomico, ta haci nombramentonan di personal, mientras a keda palabra cu CAft cu lo reduci e cantidad di personal. Y por ultimo ningun hende ta puntra kende ta doño di e compania cu ta encarga cu seguridad riba dump. Segun informacion ta propiedad di un Parlamentario cu ta sostene e coalicion esaki ta. Of e tambe a core pone e compania aki bou number di otro hende?

Que siga la fiesta y vooral p'e representantenan di partido POR cu ta sigui cu derochamento di placa, mientras esnan di MEP mester hala faha mara y nos pueblo cu su silencio lo wordo "recompensa" despues cu otro aumento di e "kartelheffing" di Minister di PO, Booshi Wever, lider partido UPP a conclui.

Parlamentario Sue Ann Ras ta clarifica:

‘Scol multilingual ta mescos of mihor cu e scolnan regular y tradicional’

INTERPRETACION y uzo di palabra por pone hende comprende cos diferente tin biaha, cu por crea un confusion sin cu tin mester. Den e caso aki, ta trata e articulo recién riba scol multilingual di Parlamento pa partido MEP, Sue-Ann Ras.

Den e articulo, hopi a interpreta e contenido den un forma diferente cu cual a scirbi e articulo.

E meta di e articulo tabata pa muestra netamente cu e resultadonan escolar di e 2 scolnan multilingual tabata mes bon of mihor ainda cu tur e otro scolnan basico ‘regular’ tradicional na Aruba.

Pues cu mester tene cuenta cu e scolnan multilingual ta riba mes nivel of te hasta mas halto, mientras cu e dos scolnan aki, no a haya 100% di sosten den ehecucion.

BRUHAMENTO

Loke a keda malinterpreta den e articulo anterior, t’e analisis entre e dos tipo di scolnan, unda cu hopi a interpreta cu e scol multilingual ‘no ta dunando e resultado desea’.

E frase: ‘Esaki ta un señal hopi alarmante, mirando cu ta trata pa 6 año largo, brinda un sistema di educacion na nos muchanan, cu no ta dunando e resultado desea’.

Loke cu Sue-Ann Ras tabata referi na dje, tabata e otro scol (no multilingual) cu tabata duna e señal robes, pues cu tur e otro scolnan basico ‘regular’ tradicional, apesar di ta haya 6 año idioma Hulandes como idioma di instruccion y uzando metodo di idioma materno Hulandes, nan no a duna un mihor resultado desea, ya cu loke nan a score en general na Aruba ta 6.2 y e dos scolnan multilingual a score hunto 6.0 pa idioma Hulandes y riba matematica, unda cu tambe ta haci uzo di idioma Hulandes hopi mas, e scolnan regular tradicional a score


un promedio di 6.3 y e dos scolnan multilingual 6.7.

“Mi ta spera cu, e aclaracion aki ta clarifica cualkier malcomprendemento cu por tabatin y cu mi ta cuestiona mas bien e tipo di enseñansa regular tradicional y no scol multilingual!”,

Sue-Ann Ras a finalisa bisando.



Exitoso Quota Fundraising Picnic Dansant "Boots & Bling" 2018



DIADOMINGO 10 di juni 2018 a tuma lugar e grandioso evento di Quota International of Aruba. Den un Renaissance Convention Center completamente yen, tur hende a disfruta bailando cu Robert y su Solo Banda, 'N Fuzion y Minitca Genie.

E aña aki e tema tabata Picnic Dansant Boots & Bling! Nos a keda masha contento di por a mira con tur hende a luci durante e atardi bisti cu "bling" y boots masha bunita decora. Meta di nos evento tabata pa recauda fondo pa haci donacion entre diferente organizacion durante maart 2019 na Aruba.

E premio mayor tabata 2 tickets pa Bogota, Colombia, cortesia di SEL Maduro & Sons cual a ser gana pa sra. Magnolia Schwengle, kende a ricibi su premio e atardi mes. E atardi a conta cu varios doorprize cu a wordo rifa y entrega durante di e evento.

Quota International of Aruba kier a gradici e pueblo di Aruba pa nan sosten y aporte continuo.



BANCO DI CARIBE

OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 26 Jun, 2018 EN TOT NADER ORDER

valuta	aankoop van publiek			verkoop aan publiek	
	bankpapier	wissels, CHQ's reischeques en overboekingen			
Ned. Antil. Gulden Per ANG 100	ANG	98.00	100.00	biljetten chq./overboeking	100.20 100.00
Amerikaanse dollar	USD	1.77	1.78		1.80
Canadese dollar	CAD	1.31	1.33		1.35
Zwitserse frank (per 100)	CHF	179.88	180.60		181.40
Pond sterling	GBP	2.29	2.34		2.40
Japane yen (per 10.000)	JPY	161.00	162.47		164.11
EURO (per 100)	EUR	206.00	207.88		209.97
Deense kroon (per 100)	DKK	26.92	27.64		28.44
Noorse kroon (per 100)	NOK	20.94	21.66		22.46
Zweedse kroon (per 100)	SEK	19.09	19.81		20.61

Bon dia yen di alegria

Skirbi pa Ruthy "Lady Ruth" Vrieswijk-Bergen

E alegria ta continua den tur e partidonan di futbol den e Copa Mundial na Russia. Lady Ruth su favorito no ta den e biaha aki, esta, Hulanda, y ta pesey nos ta apoyando varios pais cu nan seleccion.

Nos ta apoyando Spaña, Alemania, Portugal, Colombia y Brasil. Mientras cu nos ta wak partidonan di futbol, nos ta comparti den nos relato di e siman aki, algo di e Musical di Colegio Arubano cu a tuma lugar recientemente y tambe un crenchi di e concierto di scol di musica Rufo Wever. Nos amor y pasion pa teatro, baile y musica.

Sin lubida di menciona con dushi nos a pasa n'e fiesta di oldies na Marriott organisa pa Kiwanis Club of Aruba, na unda nos a goza masha masha hopi mes di e banda Back on Track di amigo musico cantante number un den oldies, Ito Stamper y amigos.

Ki dushi e cancionnan Love Hurts y Listen to the Music a zona, penetra den e curason bay bek den bo time tunnel, tempo di bo puppy lovesnan, berdad? Si!

Un dushi ambiente, y nada pa compara cu e banda Back on track !!! Danki Ito and friends, boso ta Master !!!!

Ito a demostra y confirma na tur, cu t'e mes t'e rey den oldies, no matter su cambio di stem cu e añanan pasando, ta Ito Stamper t'e Rey di Oldies aki na Aruba punto.

Y e guitarista number un den oldies ta Wiwi Penja punto. Pa bin bek riba e musical di Colegio Arubano, boso nan tambe a rock!

Si mi no tin hera, boso tema tabata "


How to survive ?" y boso a acentua con studiantenan por sobrevivir nan dudanan y nan angustianan na Colegio durante e 4 of ta 6 aña di estudio eynan. Bisa no na bullying, sigui padilanti si un curason wordo kibra den un of otro puppy love, just pa menciona algun.

Cu boso bunita cantica: "Some where over the rainbow " - Bunita baile cu coreografia di e profesora hoben adulto dinamico Pierangely Wever. Tur dos biaha, esta cu e musical y e concierto e sala di Cas di Cultura tabata sold out.

Tur e alumnonan di Scol di Musica Rufo Wever a luci den y cu nan presentacion, specialmente e alumnonan di piano bao guia di e pianista nos Padu Chikito sr. Albert Croes y Johnny Croes. Pero nos a goza un mundo tambe di tur e alumnonan di e maestra Catharina Provance - Bunita cada cancion musical toca y of canta. Nos a probecha di saca algun bunita pics den lobby, prome, den pauze, of despues di e presentacionnan aki, pa nos tambe por a disfruta di e presentacionnan cada un riba su mes y no usa camera di flash den e sala pa stroba e publico presente.

Mi ta laga mi relato te aki e biaha aki, pa mi tambe sigui goza di futbol na television, den airco cu mi glas di biña, cu blokjes kaas, ketobay celebrando cu mi mes mi di 61 cumpleaños cu hopi bendicion, gradicimento y alegria! I am the blessing! And so are you! Dios ta bon. Dios semper ta bon.

Cu un danki na tur cu a yamami na telefon, mandami wassaps of un message riba face book. Mi bunita tia na Hulanda, tante Gerrie, a bisami na telefon, welkom oficial n'e vereniging der oudjes, hahahahahaha, anto net den e



grupo di 60 plussers di mi dushi barrio di Dakota tur dia no tin lugar mas, tin un wachtlijst largo cu personanan wardando un chens pa join.

Kiermen: Sigui anda cu esnan mas hoben cu mi anto, pa mi keda mas jong asina tambe!!! Mi parti draadjienan sinishi na mi cabes por redami, pero e curason y e spiritu no, nan ta sigui goza cu mi ketobay sin sa ta na unda e 61 añanan ey ta scondi!

Hahahahaa.....Shonnan, sigui goza di e Copa Mundial di futbol ! Y....sigui goza di bida,"no matter the age", "just follow your own heart " -

Corda cumpra bo carchi p'e One Woman Show di Lady Ruth na tempo na Van Dorp of serca e scoutnan! Nos tin un cita diarazon dia 26 di september benidero pa 8 or pm den Cas di Cultura.

Awe 27 juni 1978,

Ta 40 aña pasa cu ILO a aproba Convenio 151

Aruba si a keda atrás na tur nivel, según Gregorio Wolff



E dia grandi aki trahadornan den servicio di Gobierno na mundo a ricibi e derecho igual na trahadornan den sector priva pa negocia su condicionnan di trabao.

Den articulo 7 di e convenio 151 di ILO, sindicatonan den sector publico a ricibi e mesun derecho cu sindicatonan den sector priva tin, esta pa sindicato den sector publico organisa y negocia convenionan colectivo pa su miembronan. Pues e convenio aki a ta cumpli 40 aña awe.

Según ex sindicalista Gregorio Wolff, na Aruba, contrario na paisnan avanza y respeta na mundo unda esaki ta un hecho, nos a keda atrás cu tur e consecuencianan negativo cu nos por wak awendia.

Tin varios aspecto negativo cualnan tin consecuencia hopi fastioso pa Aruba, mas bien e presupuesto cu tur e nombramentonan di locura cu a sosode den e gobernación di Mike Eman.

Prome t'e creación di servicio y departamentonan nobo inecesario, pa yena amigonan di campaña político.

Bisto t'e falta di respet pa funcionarionan den e leiding di varios departamento.

Cuanto no a ser hala un banda pa pone personanan cuadra cu e partido di Gobierno, sin wak e preparación y capacidad di e persona. Su color político tin mas balor cu tur cos y esey so a conta. (nota di Red: Mesun cos ta sigui tuma lugar aworaki).

Tambe e ehercito di coordinadornan cu a ser crea pa cana hunto cu sr. Mike Eman den su caminatanan, pero kendenan defacto no tin un función cu un balor agrega na favor di pueblo. Despues hopi a pasa pa forma parti di e aparato publico.

Nos por bisa cu e aparato publico a ser grandemente politisa na favor di un agrupación (partido) político cu e consecuencia cu esaki tin e consecuencia cu e produccion a bay atrás, mientras e presupuesto di Gobierno si a subi.

Hopi ta papia di reorganizacion di e aparato publico, pero si sigui mantene e mesun ley y reglanan, ta repetición di pasado nos lo topa, según Gregorio Wolff.

Ora nos analisa e otro factor den e relación di Gobierno como dunador di trabao cu su trahadornan, nos ta wak sindicalismo den sector publico.

Aki nos ta weita e forma di delibera/negocia riba asuntonan di trahadornan entre Gobierno y sindicato.

Aki nos ta haya cu ainda ta vigente, e GO-A (Georgani-seerd Overleg in Ambtenaarzaken) cual ta angra den capitulo 10 di LMA.

Un ley traha poco después di Segundo Guerra Mundial, mas cu 70 aña pasa, den cual ta stipula pa sindicato y Gobierno hiba deliberacionnan riba condicionnan di trabao di e Empleado Publico.

Tin deliberación, pero na final e ley ta stipula cu ta Gobierno ta dicidi, ora no por yega na un consensus.

[Continuacion na siguiente pagina]

[Continuacion di pagina anterior]

Riba e asunto di indexering durante nos Status Aparte semper tabatin negociacion directo di Gobierno y sindicato pa yega na acuerdo.

Pa otro asuntonan Gobierno hopi biaha ta dicidi sin envolvi sindicatonan, pues gobernacion no ta respeta trahador y Gobierno ta sigui manipula y logra su metanan. Mientras convenio 151 di ILO, di 27 juni 1978 ta duna den articulo 7, sindicatonan den sector publico e mesun derecho cu sindicatonan den sector priva.

E reorganizacion cu ley y reglanan nobo pa loke t'e deliberacion/negociacion ta importante pa loke t'e representacion sindical, pero mas cu tur pa haci e cambionan den e capitulo 10 di LMA di acuerdo cu e convenio 151 di ILO lo duna GO-A mas balor.

GO-A por bira e instituto legal pa Gobierno cumpli cu convenio 151 di ILO y via e instituto aki e negociamento lo tuma lugar, entre sindicato den sector publico y Gobierno riba condicionnan di trabao di e Empleadonan Publico.

Esaki por ta un medida pa caba cu hopi abuso pa loke ta nombramento politico den sector publico.

Ta conoci cu tur departamento y servicio di importancia den Gobierno tin nan organizacion bon describi cu tur su tareanan. Ademas tin e Organigram (organizacion cu e funcionnan cu su tareanan describi y balora). Tambe e funcionnan ta yena cu funcionarionan.

Gobierno mester cumpli cu convenio 151 di ILO y cuminsa e proceso di negociamento cu sindicato riba un CAO pa sector publico.

Tin cierto Ministerio cual nan tin un organizacion cu caracter special manera Polis y Maestronan. P'esakinan ta requeri varios addemda (bijlagen) of CAO-nan apart.

Mester purba di mantene areglonan manera Kinder-toelage, Continue-toelage y varios mas pa keda igual pa

tur empleado publico.

P'e politica nobo di Gobierno pa su presupuesto, un futuro CAO p'e aña(nan) cu ta bin, mester ta cla algun luna prome cu e aña cuminsa.

Parlamento e ora ta aproba e presupuesto cu e acuerdo di Gobierno y sindicalismo p'e aña(nan) cu ta bin.

Despues cu e CAO-nan ta firma ta dificil pa politiconan crea funcionnan y hinca compinchanan politico den e organizacion acoorda. Tin un CAO firma cu e funcionnan den dje y mester convence sindicato pa bay di acuerdo cu e cambionan proponi.

Gregorio Wolff ta bisa cu e tin e impresion cu sindicalismo den sector publico no ta conciente di e convenio 151 di ILO. Nos ta 40 aña atrasa y sigur sindicalismo no ta prepara p'e situacion nobo, cu no tin nada pa bay wante, e ta bin y nos mester prepara p'esaki.

Pero ta tarea di sindicalismo pa prepara su mes p'e situacion nobo aki y na su opinion Gobierno mester yuda tambe den formacion di lidernan sindical apto p'e situacion aki, un situacion di cambionan grandi..

Na Hulanda, Gobierno y sindicatonan a caba di yega na un acuerdo riba un CAO p'e Rijksambttenaarnan. Na otro paisnan respeta na mundo esaki ta un situacion pa hopi aña caba.

Kico Aruba ta warda?

Servicio pa Comunidad



Emergencia

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Polis Tipline	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Hospital	527-4000
Centro Medico San Nicolas ..	524-8833
SVB (AO-Ziekmelding)	527-2782

Botica na Warda

Pabou di Brug:

St. Anna

Pariba di Brug:

San Lucas

Dokter na Warda

Pabou di Brug:

-

Pariba di Brug:

Servicionan

ELMAR Storingdienst	523-7147
SETAR Storingdienst	117
Digicel	145
WEB Storingdienst	525-4600
Reina Beatrix Int'l Airport	524-2424
Serlimar	584-5080
Arugas	585-1198
Guarda Costa	913

Funeraria

AD Patres	584-2299
Aurora	588-6699
The Olive Tree	582-0000

Fundacion

Rode Kruis Aruba	582-2219
FADA	583-2999
Fundacion Respeta Mi	582-4433
Fundacion Guia Mi	587-1677
Muhe den Dificultad	583-5400
Telefon pa Hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Koningin Wilhemina Fonds ...	582-0412
Fundacion Pa Nos Muchanan..	583-4247

Cas Editorial



The Media Group

Margrietstraat #3

Oranjestad, Aruba

Tel: 583-1400 Fax: 583-1444

Orario di Oficina

Dialuna - Diabierna

8am - 5pm

Cuenta di Banco

CMB #22982600

E-mail

Redaccion: noticia@awemainta.com

Aviso: aviso@awemainta.com

Subscribi na: notica@awemainta.com

Director

Victor "Toko" Winklaar

Victor R. Winklaar



Deporte

United y Brazil Jrs a bolbe empata den e di dos wega di playoff Final Division Uno



DIADOMINGO 24 juni 2018 a tuma lugar den CDGT na Dakota e di dos wega di e gran final di Aruba su Futbol Division Uno, entre United y Brazil Jrs cu ta luchando pa subi e Division Maximo di Aruba su Futbol, esta Division di Honor.

Despues cu den nan prome compromiso tambe wega a termina den un empate na un gol pa banda.

Den e wega aki nos mester bisa cu ambos equipo a bin pa bay cas cu e victoria, caminda cu den e prome 45 minuut nan di wega Brazil Jrs tabata e equipo cu a crea mas oportunidad caminda cu e portero di United na diferente biaha a trece salvacion y por a tene su gol limpi,

United aki aya a crea algun chens, pero tabata e defensa di Brazil Jrs tabata bon posiciona caminda nan tabata rechasa e bala y kita tur peliger,

Den e di dos parti di wega Brazil Jrs ta sigui presiona, pero no por a concretisa, den e minutnan final United tabata den atake, pero tabata e keeper cu a trece salvacion. Wega ta termina sin anotacion y asina mester hunga un di tres wega pa wak ta cua equipo lo hunga e proximo Campeonato den e Division mas halto di Aruba su Futbol 2018-2019.

Deporte



Estrella a keda elimina pa via di un gol menos

Nacional lo enfrenta Dakota den Final di Division Honor

E ultimo fecha di Play-Off Division Honor a duna nos hopi drama ora cu Dakota y Estrella a bay den nan wega cu Britannia y Nacional respectivamente, empata riba e tabla di posicion cu 7 punto y tambe den 'doel-saldo', solamente Dakota cu un gol mas anota cu Estrella te cu awor ta e minimo diferencia entre nan dos.

Mientras cu Dakota a enfrenta Britannia na CDGT na Dakota, Estrella a enfrenta Nacional na CDFE na Noord simultaneamente.

Dakota a cuminsa su wega di biaha tirando den atake ya cu nan mester a sigura un victoria "cuesta lo que cuesta", esey t'e mesun situacion cu Estrella den nan wega na Noord.

Britannia a presenta cu un planteo tactico defensivo pa preveni un derota, dunando Dakota basta posesion di bala na comienso di wega.

E "Abejanan" a logra anota nan prome gol na minuut 6 caba ora cu Albert Francis a touch e bala den gol despues cu e portero hoben di Britannia, Kevin Vermeer, a basila despues di un cruze den area penal, bala a colga dilanti gol permitiendole Francis habri marcacion.

Mientras cu na Noord, Nacional a bay ariba den marcacion na minuut 15 pa medio di Bryan Bedoya. Estrella a hunga e wega sin algun hungado clave manera Phaedrick Baromeo y David Dubero pa via di lesion y Norviannel Naar y Alex Hassel dor di suspension.

Ta te na minuut 39 e di dos gol di Dakota a yega den pia di e incansa-



bel Ricky Hodge kende a los un tiro potente for di pafu di area penal na banda robes, un joya di un gol cu a lanta Dakota for di soño despues cu nan a cuminsa hunga slordig pa un rato.

Asina halftime a bay aden na "Guillermo Trinidad" cu e marcacion 2-0 pa Dakota. Na "Frans Figaroa" e wega a drenta descanso cu Nacional den bentaha di 1-0.

E di dos tempo na Dakota a sigui cu mesun tono.

Na Noord, Estrella a corta bentaha den anotacion cu un gol di Joel German na minuut 71 y 5 minuut despues Jean Pierre Van der Linden a haci e wega 2-1 pa e "Naranjadan" cu awor lo tabatin mester di dos gol so pa empata Dakota den "doel-saldo", si Nacional no anota mas.

Cu e wega na Stadion Guillermo Trinidad completa cu e anotacion di 3-0 pa Dakota, cu awor mester a sinta spera y wak ta kico ta evolvendo

na Noord.

Na Noord tabata puro drama awor, ya cu Estrella tirando dilanti buscando dos gol mas pa bay final, a haya un penalty den extra tempo na minuut 90+5 unda Anwar Kock a anota cu e tiro di penalty pa haci e wega 4-2 pa Estrella, faltando un gol so mas pa elimina Dakota, cu tabata sinta riba tereno na CDGT wardando e resultado aki, y pa nan mes bay final contra Nacional.

Faltando menos cu un minuut, Estrella a pia dilanti pero no tabatin tempo pa mas, nan a keda "kort" un gol so pa bay final, lastima, pero futbol t'asina.

Asina ta cu Dakota lo bay enfrenta e campeonnan saliente Nacional den e final cu lo cuminsa awe diarazon cu e prome wega di dos y si mester lo tin un di tres wega. Gran final anto, Nacional vs Dakota p'e campeonato Division Honor 2017-2018, Futbol Aruba lo t'ey.



Lady Puma's Britannia Campeon Division Damas 2017-2018

DIALUNA 25 di juni 2018 a tuma lugar den CDGT na Dakota e di dos wega di e gran final di Aruba su Futbol Division Damas.

Caminda cu Lady Puma's Britannia a bolbe topa cu Lady Riverplate, caminda cu den nan prome compromiso Britannia ta sa di gana e wega cu score minimo di 1-0. Britannia cu un empate mes lo titula Campeon.

Den un wega dramático e equipo di Riverplate ta pica dilanti despues cu e hungador Donnevier Luitjes #3 ta logra habri e score tempran na di 3' di wega.

Na di 10' di wega tabata e hungador Zamira v/d Linde #18 riba un hugada individual ta logra empata e wega.

Ambos equipo ta sigui presiona caminda cu na di 23' di wega tabata e hungador #23 Josanne Maduro riba un tiro caminda tur hende a kere cu e bala lo pasa banda di gol, e portero ta keda wak e bala cu ta bay pega den net pa haci e wega 2-1 na

fabor di Britannia.

Riverplate ta logra empata e wega na di 33' di wega pa medio di M Kock #10 riba su camiseta.

Y cu e score di 2-2 refree ta finalisa e prome 45' nan di wega.

Den e di dos parti di wega nos mester bisa e wega a bira basta bruto caminda cu refree a cuminsa saca carchi tanto geel como cora, un wega cu tabata bayendo hopi bon, pero lamentablemente cos no a bay di e bunita ey cu a termina den un bululu basta for di sla.

Na di 85' di wega tabata A. Simon #8 ta score y ta pone e cherry riba e bala p'asina Britannia bay cas cu e victoria di 3-2 y asina ta titula Campeon di Aruba su Futbol 2017-2018 Division Damas.

Resultadonan di e campeonato, na di 4er lugar a keda La Fama na di 3er lugar RCA, Sub Campeon Riverplate y Campeon Britannia.



Deporte



Atletanan hubenil di Beach Volleyball lo atende campo di entrenamiento na Corsou

NOS atletanan hubenil femenino y masculino di Beach Volleyball tin varios luna ta preparando nan den forma intensivo p'e weganan clasificatorio 2018 CAZOVA Youth Olympic Games.

E weganan clasificatorio lo tuma lugar na Aruba mes unda varios pais den nos region lo bin cu nan mihor dos atletanan y bataya pa un puesto di clasificacion.

Aruba Volleyball Association (AVA) ta masha contento di por host e competencia di beach volleyball y p'e motibo aki tambe a procura pa nos dos seleccionnan t'e mihor forma posible prepara. Den e cuadro aki AVA a dicidi pa manda e 4 atletanan hubenil Mali Rafini, Kayla Arends, Brian Howell y Raibiently Mercalina pa un campo di entrenamiento na Corsou como parti di nan preparacion pa dicho torneo na Aruba.

Na Corsow, e 4 atletanan lo ta bou guia di entrenador internacional renombrado Augusto Sabbatini di Brazil cu ta afilia na NORCECA.

Ta bon pa bisa tambe aserca cu na banda cu e atletanan lo atende e campo di entrenamiento aki nan lo hunga varios wega di fogueo contra ekiponan pa midi nan nivel di competencia.

E atletanan Mali y Kayla lo hunga e clasificacion femenino, mientras Brian y Raibiently lo hunga e clasificacion masculino.

Hunto cu e atletanan lo biaha tambe



coachnan Irald Phelipa y Elmerlindo Robles de Medina.

E 4 atletanan di beach volleyball Kayla Arends y Mali Rafini (femenino) y Brian Howell y Raibiently Mercalina (masculino) lo tin un compromiso grandi e dianan 7 y 8 di juli proximo unda nan lo competi den e 2018 CAZOVA Youth Olympics Games Qualifying Round cu lo tuma lugar aki na Aruba.

Manera nos a bisa anteriormente e 4 atletanan aki tin varios luna ta entrena y prepara p'e competencia internacional di beach volleyball aki cu lo conta cu participacion di US Virgin Island, Haiti, Jamaica, Trinidad and Tobago y Surinam.

Stichting Sportsubsidie Aruba a subsidia e 4 atletanan di beach volleyball hunto cu nan coachnan pa nan por atende e campo di entrenamiento na Corsou.



Campeonato Copa Thomas 2018 den esgrima at sigui awe diarazon 27 di juni



AWE diarason dia 27 di juni, Federacion di Esgrima, Scherm Amateur Bond Aruba (S.A.B.A.) lo organisa e campeonato di Copa Thomas 2018, dedica n'e legendario atleta di esgrima Arubano y alabes atleta Olimpico bou di e constelacion Antiyano, Austin Thomas, awe den felis memoria. E inscripcion lo ta 5or di atardi, mientras e competencia mes lo inicia pa 6or di atardi na IBISA San Nicolas. E lo bay ta un competencia di "wapen & degen".

Mester bisa cu e atletanan di e tres clubnan di esgrima na Aruba, esta Universal Fencing Club, Scherm

Club Brazil y Don Bosco Knights ta duna un berdadero espectáculo den e deporte di arte marcial.

Tin varios prospecto y talento nobo den e deporte di arte marcial, mientras cada dia e deporte ta crece den atencion y bira mas popular bou di nos hubentud.

Na nivel internacional nos atletanan di esgrima ta prestando den bon forma unda aña pasa Aruba a triunfa den e asina yama Dutch Caribbean Fencing Championship 2017, caminda nos atletanan a logra e mayoria premionan disponibel.

Na banda di competencia, e Federa-

cion di Esgrima ta traha duro riba e conocimiento di nan atleta y coachnan dor di organisa workshop cu expertonan di exterior unda ta ofrece diferente tayer y traha riba e aspectonan di esgrima. Nan ta enfoca riba e agilidad, reflex, resistencia, habilidadnan basico, drills y mas cu claro con pa anda cu e material di esgrima. Tur esaki sin duda ta yuda e deporte dal un stap n'e siguiente nivel. Stichting Sportsubsidie Aruba a subsidia e campeonato di esgrima Copa Thomas 2018 organisa pa SABA y dedica na e legendario atleta Olimpico Arubano, Austin Thomas, awe den felis memoria.

Deporte



Aruba t'r pais anfitrión di Campeonato Latino Americano di Baseball Junior League 2018



DIANAN 6 pa 15 juli nos isla di Aruba ta pais anfitrión di un campeonato grandi di baseball Little League ora cu e campeonato Latino Americano di Junior League 2018 tuma lugar riba nos terenonan di baseball.

Na 2013 tabata último aña cu Aruba a organisa un campeonato Latino Americano di baseball casualmente den tambe den categoria di Junior league.

Mester bisa cu tanto Aruba 1 forma p'e campeonnan 2018, esta Liga Central Braulio Wester y Aruba 2 forma pa un combinacion North/South League lo representa Aruba den e campeonato Latino Americano mi-

rando cu nos ta host e campeonato. Remarcabel ta cu 7 pais a confirma nan participacion p'e torneo aki. Paisnan cu lo tey presente lo ta Curacao, Puerto Rico, Venezuela, El Salvador, Panama, Rep. Dominicana y Colombia.

Hunto cu Aruba 1 y Aruba 2 lo ta 9 seleccion den total.

Algun di e weganan cu lo tuma lugar den Joe Laveist Ballpark, mientras e sobra lo ta den Nadi Croes y Crismo Angela Ballpark na Sta Cruz. Mayoría wega di Aruba lo wordo hunga den oranan di anochi.

E dos seleccionnan di Aruba ta bon prepara p'e campeonato Latino Americano di baseball. Tur dia nos hoben peloteronan ta entrena p'asina

duna e mihor prestacion posibel.

Mas cu claro ta ser spera e apoyo masal di e fanaticada di Aruba cu lo bin y duna nos muchanan e sosten necesario.

Na aña 2012, Aruba a gana e derecho di representa e continente Latino America na World Series Junior League na Taylor, Michingan despues di a titula campeon.

Na Taylor, Aruba a haci un tremendo papel, pero a keda net cortico. Ban spera nos muchanan por haci un bon papel den e campeonato teni na cas.

Stichting Sportsubsidie Aruba a yuda subsidia e campeonato Latino Americano di baseball teni na Aruba mes.



Selecionnan di Baseball Little League di Aruba ta cla pa campeonato di Caribe



DESPUES di a bataya duro na Aruba mes contra di North y South League y coy campeon invicto, e ora di berdad a yega p'e seleccion di Aruba Center Little League awor yama Liga Central Braulio Wester cu lo competi contra e mihornan den Caribe.

Den e categoria 11-12 aña Liga Central Braulio Wester lo hunga e dianan 13 pa 21 di juli na Sabana Grande, Puerto Rico.

Nos seleccion ta cla pa bataya contra e paisnan den nos region manera Republica Dominicana, Puerto Rico, Bonaire, Corsou, St. Thomas, US Virgin Island y St. Maarten. E ekipo di Liga Central Braulio West-

er ta bou guia di manager Emiliano Thiel hunto cu coachnan Edward Ashby y Jonathan Dap.

E seleccion ta consisti di e hungadornan Antron Franken, Daniel Benschop, Daniel Werleman, Dyron Kock, Jaden Kock, Jermaine Farro, Jayden Pietersz, Juameth Ignacio, Keyon Ashby, Michel Corniel, Ryven Rasmijn, Shaqion v/d Biezen, Xavier Werleman y Zarik Tromp.

Mester bisa cu e seleccion campeon lo representa e region di Caribe na Williamsport cu t'e cas di Little League Baseball.

Tur e weganan aki lo por wordo mira n'e canal di television ESPN. E ultimo biaha cu Aruba a haya e oportunidad di hunga na Williamsport

tabata na 2011.

Esaki tabata e unico biaha cu Aruba a logra yega mas leu cu titula e campeon di Caribe.

Dos aña pasa nos muchanan tabata asina serca, pero nos a perde e wegana semi-final contra di Corsou cu e score minimo di 1 - 0.

Stichting Sportsubsidie Aruba a yuda subsidia e seleccion di Liga Central Braulio Wester p'e campeonato di baseball di Caribe na Sabana Grande, Puerto Rico.

Website:
www.awemainta.com

Facebook:
www.facebook.com/awemainta

E-mail:
noticia@awemainta.com

Tel:
583-1400

Fax:
583-1444

**AWE
Mainta**
#1 online

Deporte



Umpirenan di Little League Baseball a haya un set di carson nobo y ta cla pa sigui contribui na baseball di Aruba

DIADOMINGO atardi na residencia di sr. Mito van der Biezen umpirenan di baseball Little League a reuni un rato pa un momento masha special.

T'asina cu Lotto a yuda p'e umpirenan haya un set di carson nobo p'asina nan por ta completamente uniforma ora di e weganan baseball local. E parti di shirt ya tabata regla, pero a falta e carson.

Mesora ora a pone Lotto na haltura a dicidi di contribui cu nos umpirenan local. Esaki a sosode despues di 20 aña manera sr. Nel Franken, Presidente di e umpirenan, a splica na tur esan presente.

Manera a wordo bisa na 135 wega di baseball nos umpirenan a asisti e aña aki y tur a continua sin wordo para, tur umpire a coopera den gran forma na bienestar di nos hoben peloteronan.



E umpirenan presente a keda masha satisfecho cu e bunita gesto aki y sa na aprecia esaki masha hopi mes. Ta spera cu por haya mas cooperacion di e forma aki den futuro paso sin umpire ta dificil p'e wega di baseball continua.

Presente n'e ocasion aki por a mira DA di Aruba Little League sr. Rhudy Donata como tambe sr. Di Stefano Wernet y sr. Elias Kock di Stichting Fundacion Lotto pa Deporte y e crew di umpire di baseball na Aruba. Lotto cu curazon pa Deporte na bienestar general.

Wega di fogueo entre ASB y College USA

SELECCION Femenino di Aruba Softball Bond lo hunga 5 wega di fogueo versus College USA.

Aruba Softball Bond trahando duro pa prepara su seleccion femenino pa un compromiso grandi y historico cual lo tuma lugar final di october.

Ta trata di un campeonato di CONSURSA cu 8 pais cu a confirma p'e campeonato aki cu lo wordo transmiti via live stream HD quality cu 7 camara dor di


WBSC pa 5 continente rond mundo.

Aruba lo bira e pais anfitrión pa prome biaha den historia di softball. E weganan di fogueo contra e equipo di USA a inicia cuminsa for di ayera caba y lo sigui te cu diasabra 30 du juni. Trabounan duro lo sigui pa prepara nos atletanan mental y fisicamente pa alcanza e mihor nivel posibel pa defende nos bandera cu orguyo. Softball den pleno desaroyo.



Tres detenshon kaba pa asesinato di Zino Agnesia

Zino Agnesia (30) alias Grote Reus



ROERMOND. Den fin di siman ku a pasa dos amigu dje kurasoleño Zino Agnesia a organisá un kaminata di amigunan dje kurasoleño ku nan a tira mata dia 15 di yuni ultimo na Rotterdam. E dos hòmbènan ta miembro di un sentro pa hubentut den e bario Donderweg kaminda Zino

tabata biba.

E pistoleronan ku a mata Zino mester tabata na altura di su presensia dia 15 di yuni ultimo den e edifisio di apartamento na Sandelingplein na Rotterdam-Zuid.

Tur kos ta indiká ku ta un dil ela bai sera pa droga pero e transakshon a bira un rip-dil.

Hendenan ku a konosé Dino a komentá ku e ladronnan ku a kita sèn of droga for di Dino mester tin masha kurashi pasobra e tabatin un postura grandi i nan tabata yam'é 'Grote Reus'.

E kaminata a kuminsa mitar di dies'or di anochi na kas di mayornan di Zino i a finalisá den un speeltuín kaminda a pone flor.

Sigur 500 hende a partisipa.

Tur e dianan aki polis ta parti pamflèt na hende riba kaya i ta tira nan den box di karta na Sandelingplein.

Nan ta spera ku tin hende ku tabata den besindario dje kas na momento ku a mata Dino.

TRES SOSPECHOSO

Mientras tantu polis na Rotterdam a anunsiá awe mainta ku nan a detené un terser sospechoso den e asesinato/ripdíl di Zino Ignasia.

Ta trata di un hoben di 21 aña di Rotterdam kende ta biba den e edifisio na Sandelingplein na Rotterdam kaminda a tira Zino mata.

E dos otro sospechosonan a habitante di Rotterdam di respektivamente 34 i 32 aña.

Esun di 34 aña polis a arestá direktamente despues dje asesinato e anochi di 15 di yuni i e di dos nan a arestá riba kaya na Krimpen aan den IJssel.

Polis ta kere ku Ignasia tabatin un palabrashon ku e dos hòmbènan pa un negoshi di droga i ku nan a usa kamber dje hoben di 21 aña pa hasi e dil pero no ta sigur si e tabata presente ora ku e negoshi di droga a tuma lugá. Otro hendenan ku ta biba den e edifisio a konta ku nan no konosé e hoben di 21 aña ku polis a arestá pero nan sa ku e ta risibi hopi bishita pero no bishita normal sino hendenan ku aspekto straño ku no ta saluda ningun hende.

Más i más polis ta kere ku ta atrako a tira riba Zino.

Loke polis sa definitivamente ta ku nan a mira Zino drenta e edifisio di apartamento ku un tas deportivo i e dos hòmbènan di 32 i 34 aña a sali ku e tas den man.

Te ainda polis no por haña e tas.

KRIMPEN AAN DEN IJSSEL

Ayera mainta polis di Rotterdam por a arestá e hoben di 21 aña ku ta biba den e edifisio kaminda a mata Zino, danki na deskripshon ku testigunan a duna. Polis a hasi entrada hudisial tambe den un kas na Krimpen aan den IJssel i Rotterdam buskando e tas di Zino.



Na Breda, un habitante dje siudat a asesiná un muhé ku tabata biba na Hoogvliet, Testigunan a bisa ku e muhé a sali for di un outo i e hòmbèr a sali despues. Ora ela alkansá e muhé ela kuminsa puñalé rònt su kurpa te ora ela basha den otro.

Nan a hiba e muhé hospital pero ela muri den hospital algun ora despues.

Hendenan ku ta biba den e bario Doornbos-Linie a mira e asesinato pasa manera un pelikula den kareda di mitar di shete di anochi.

Despues di a mata e muhé, e homber a tapa e kadaver ku un bachi, keda para ne outo te ora polis a yega i a aresté. Di su mes ela kai drumi na suela pa e polisnan a boei e.



Korte Supremo a konfirma

Wes por dikta kastigu pa wega sushi den futbòl

WILLEMSTAD. No ta tur dia ni tur aña ta sosodé ku wes penal ta dikta kastigu kontra un futbolista ku hunga wega sushi intenshonal i leshoná su kontrinkante gravemente. Esei ta hustamente loke Korte Supremo a hasi konfirmando e kastigu ku un wes ulandes a dikta kontra un futbolista kurasoleño ku yama Roger W., pa un hugada sushi kaminda ela kibra pia di su kontrinkante.

Simplemente bisá: Roger a haña karchi kòrá i awor e tin karchi di kastigu tambe!

Basikamente e tribunal di Den Haag a dikta ku un futbolista amatùr ta kastigabel pa un 'tackle' violento durante un partido di futbòl.

Den e kaso aki e tribunal a dikta un kastigu di 100 ora di trabou fòrsá of 50 dia será.

E tribunal a konsiderá ku ta trata di maltrato pisá ku a kousa leshon fisiko pisá.

E kaso a sosodé durante un partido di futbòl amatùr entre Schoonhoven I kontra cvv Zwervers 7.

E kaso a lanta masha komentario pasobra tur fin di siman tin miles di futbolista amatùr na vèlt pa un partido: Un ta mas fanatiko ku otro pero tur ke gana.

Por lo tantu por tin wega brutu i normalmente publiko i federashon ta rekonosé esaki pasobra ta parti dje wega.

E wega brutu en kuestion a sosodé dia 30 november 2014 entre e timnan menshoná i e partido tabata nada partikular.

Sinembargo e partido a krea un nove-



dat kaminda un kastigu penal despues di wega sushi no sí ta kastigabel.

Of loke nan ta yama, e kaso a krea hurisprudensia.

Simplemente bisá, dado momento dos futbolista di tim kontrali a bai tras di un bala i dado momento Roger a realisá un 'sliding' pa kapturá e bala pero ela dal su kontrinkante asina duru ku ela kibra su pia i sker su ènkel.

Referí a duna Roger karchi kòrá i e viktima a keha Roger na hustisia pa maltrato.

Roger a tene kuenta ku e ta haña karchi kòrá i skòrsing pero nunca ela kere ku e lo a haña un sitashon pa bai dilanti korte di hustisia penal.

A dura tres aña promé ku Roger a haña veredikto ku e ta kulpabel i mester traha 100 ora pa komunidat of bai será 50 dia.

Pe tribunal, Roger a maltratá su kontrinkante i mester haña kastigu plus paga su kontrinkante 9000 Euro di daño i perwisio.

Den un dje masha poko kasonan ku leshon riba vèlt di bala a bai para den korte, wesnan a disidi ku práktika di futbòl tin su risiko i ku por tene kue-

nta ku komportashon peligroso.

Un kondena pa wega sushi no ta novedat pasobra den un partido entre Go Ahead Eagles i Spart tambe e futbolista Rachid Bouaouzan a trata pa Niels Kokmeijer pa mata.

Den e kaso di Bouaouzan ya Niels a skòp e bala ora Bouaouzan a leshoné pero den e kaso di Rogers e tabata buskando dominio dje bala.

E desishon penal por tin konsekuensha grave pasobra kiko a e limite.

Roger a apelá e desishon di Korte te den Tribunal Supremo pero Abogado General a konsehá pa no trata e kaso pasobra e ta inatmisibel ya ku tabata opviamente un kaso di mal intenshon.

En todo kaso direktivanan di federashon i futbolistanan tin ku tene kuenta ku nan wega sushi por hiba nan dilanti wes penal i ku nan mester praktiká un tackle of sliding ku koutela.

E koutela aki nos no a nota den e partidonan di Kampeonato Mundial na Rusia e dianan pasobra tin poko tim ku ta hunga mas sushi ku esei tambe por kalifika komo un maltrato kriminal.



Mariela Romero instalá komo Presidente

Curaçao Lions Club tin direktiva nobo pa aña 2018 – 2019

WILLEMSTAD – Manera NOBO a informá ayera, den un seremonia chikí djadumingu dia 24 di yüni Curaçao Lions Club a instalá su direktiva nobo pa aña 2018/2019. E seremonia a konta ku presensia di miembresia, representantenan di Aruba Lions Club, Bonaire Lions Club, otro klupnan di servisio i algun invitado spesial.

Curaçao Lions Club ta eksistí 72 aña

i e presidensia pa e aña leonistiko (1 jüli 2018 – 30 yüni 2019) a keda enkargá na Mariela Romero. Na yanüari 2015 Mariela a bira un Leon i den korto tempu ela move den diferente proyekto i aktivitat di e klup. Tres aña despues e ta kla i miembresia a skohe Mariela pa dirigí e klup di servisio mas bieu di Kòrsou komo presidente. Mariela ta empleá na Maduro & Curiel's Bank i ta dediká hopi di su tempu na trabou boluntario. E di-

rektiva di 10 Leon ta bon balansá i tin diferente eks presidente di klup ku amplio konosementu i eksperensia.

Den su disertashon durante di e seremonia di instalashon, Mariela a bisa ku e pashon pa sirbi mester ta algu ku nos ta hasi di kurason i ku pashon. P'esei Mariela a skohe pa e lema "Passion into Action" (Pashon den akshon).

Presidente nobo di Lions Club:

Kòrsou ta kambiando i nos situashon sosial ekonomiko tambe

WILLEMSTAD. E flamante presidente di Lions Club, Mariela Romero, ta realisá ku Kòrsou ta kambiando, nos situashon sosial i ekonomiko ta kambiando i esaki tin un influensia grandi riba nos sosiedat.

Curaçao Lions Club lo sigui hasi fundraising, donashon i proyekto pero e ta apelá na miembresia pa ta habri pa kambio te asta pa kisas tradishonnan nobo.

Mariela a gradisí miembresia pero tambe su mayornan ku a sa di eduk'é for di chiki di e balor di kompartí i sirbi ku amor i kariño.

E ta trahando na Maduro & Curiel's Bank a yuda pa e sigui desaroyá su pashon pa hasi trabou boluntario i ta apresiá ku e por sigui konta ku sostén di sr. Chicu

Capriles i gerensia di MCB.

Miembronan di direktiva di Curaçao Lions Club 2018 – 2019 ta:

- Mariela Romero, Presidente;
- Claudia Hoogenbergen-Prodan, Immediate Past President;
- Ellen Goilo-Klok, Treasurer;
- Tamara Smith, Secretary;
- Leo Lemmens 1st Vice President;
- Victor Libiee 2nd Vice President;
- Alexis Daou, Membership Director;
- Don Hernandez, Director;
- Edsel Celestijn, Director i
- Lyrio Gomez komo Tamer.



Ricibi Awemainta tur dia den bo Inbox

Registra awo!
Manda bo e-mail na
noticia@awemainta.com



GRATIS



Kampaña ta kayente:

Elekshon pa miembronan di direktiva di ABVO a drenta fase final

WILLEMSTAD. Komishon Elektoral 2018, enkargá ku preparashon i supervishon di elekshon pa Direktiva nobo di ABVO di 29 di yuni próksimo, ta komuniká lo siguiente na tur miembro.

Nos a drenta e siman krusial kaminda miembronan ta bai depositá nan voto pa skohe un direktiva pa ABVO periodo 2018-2021.

Un kantidat di 3 miembro a postulá pa e puesto di presidente di ABVO, 16 miembro a postulá pa bai den direktiva di ABVO, 1 miembro di St. Maarten pa e puesto di Sekretario pa Asuntunan di St. Maarten i 2 miembro pa e puesto di Sekretario pa Asuntunan Boneriano. Huntu nan tin ku forma un totalidat di 11 miembro pa forma e direktiva ABVO 2018-2021, ku sigur lo sigui traha na benefisio di e miembronan. Riba e website di

ABVO, www.abvo.info por mira tur miembro ku a postulá i tambe nan numerashon.

Komishon Elektoral a repartí karchinan di vota na kada servisio. E miembro ku no a risibí su karchi di vota, por akudí libremente na ABVO pa por tuma su karchi di vota, mester presentá ku un identifikashon bálido. Pa duna tur miembro e oportunidat i fasilitá e proseso pa votashon, Komishon Elektoral ta duna espasio na tur miembro ku tin derechi pa vota, pa nan akudí na un di e urnanan ku un identifikashon bálido, ku òf sin nan e karnèt di ABVO i hasi uso di nan derechi di vota pa skohe un direktiva pa e periodo 2018-2021. Importante ta pa e miembro presentá ku un identifikashon bálido pa e por vota.

E proseso di vota ta outomatisá i tur dato di e miembro ta prosesá den e

sistema ku ta fasilitá ku e miembro no mester trese su karchi di vota pero un identifikashon bálido i vota.

Tin 2 urna mobil. Un pa e área di Bándabou i unu pa e área di Bándariba ku lo pasa na diferente servisio pa fasilitá ku e miembro por vota. Por tuma nota di e ruta i orario ku e urna mobil ta pasa na kada instansha riba e website di ABVO, www.abvo.info.

Tambe tin 6 urna inmóvil, SDKK (Prizon), Biblioteca Nashonal, CPOST, A.P.C., W.T.C., Selikor, kaminda e miembro por akudí for di 8'or di mainta te ku 5'or di atardi pa vota, na e urna na ABVO por vota te ku 6'or di atardi. E miembro ta liber pa skohe na kua urna e ta bai depositá su vota.

Komishon Elektoral ta hasi un yamada na tur miembro pa hasi uso di nan derecho di vota.

Kòrsou no por keda atras den e desaroyo pa bira un "Smart Nation" of un "Pais Inteligente"

WILLEMSTAD. Kòrsou tin e oportunidat pa hasi uso di desaroyonan digital i apliká esakinan pa hasi nos pais un pais mas eficiente. Manera minister Martina a bisa: "Mundu ta kambiando i Kòrsou tambe mester kambia i adaptá!"

Minister Konket a indiká ku pa é un Smart Nation ta un pais ku ta hasi uso di teknologia i inovashon pa mehorá kalidat di bida di e hende.

Sr. Franklin Sluis di BTP a indiká ku e desaroyo di un Smart Na-

tion ta trese ku'né adaptashon riba merkado laboral di un banda, pero tambe e ta krea oportunidatnan nobo di trabou i negoshi.

Gobiernu di Kòrsou pa medio di e Plataforma aki ke kana huntu ku sektor privá pa desaroyá Kòrsou komo un Smart Nation!

Royal Aurora

Funeral Home & Crematory

" Señor ta mi wardado, lo mi no tin falta di nada"

A bay sosega



Sr. Antonie Adrianus Wilhelm HIJMERING

(mihor conoci como Tonie)

*25 di oktober 1936 – † 23 di juni 2018

Na number di su esposa: Myrna L. Hijmering - Does

Su yiunan: Antonie Hijmering y Roberto Sierra
Karin Drost-Hijmering y Hans Drost

Su nieto stima: Aaron Drost
Manera nieto: Rachel Hennep, Iyanla y Ilhan Soto
Soto

Su ruman nan: Andries Hijmering y Famia
Evert Hijmering y Famia
+Olga Claassen-Hijmering y Famia
Arnold Hijmering y Famia (Hulanda)
Wim Hijmering y Famia (Hulanda)
Frans Hijmering y Famia (Hulanda)
Janet Fleuren-Hijmering y Famia

(Hulanda)

Swa y Cuña nan: Olga Does y Famia
+Lydia Evers-Does y Famia
Henry(Bubu) Does y Famia
+Edwin Does y Famia
Selma Does y Famia
Irena Does y Famia
Frank Does y Famia
Ingrid Does y Famia

Famia di cas: Maritza Thielman-Croes y Famia, Maya
Maduro, Angela Correa y Famia, Lucy Wolff y Famia,
Liz Bislick

Ayudante di cas: Angela (Annie) Samuels
Tur ayudante y amigo/a nan di "Cas marie" y "Cas di
Machi"

Sobrino y sobrina nan, primo y primanan na Hulanda,
Corsow y Merca

Tur su Ex coleganan di KPA (Polis) y Aruba Bank, y
bisiña, amigo y conocir nan

Demas Famia: Hijmering, Does, Drost, Sierra, Luidens,
Rasmijn, Claassen, Geerts, Lacle, Fleuren, Berkley,
Evers, Chai, de Cuba, Tujeehut, v d Linden, Bislick,
Thielman, Croes, Maduro, Arts, Arias, Coello, Hennep,
Soto soto, Meyer, Heymans, Sliker, Ten Houten

Acto di cremashon lo tuma lugar Diahuebs 28 di juni
2018 di 9'or pa 11'or di mainta na Aurora Funeral
Home.

Condolencia lo tuma lugar na Aurora Funeral Home
Diaranson 27 di Juni 2018 di 7'or pa 9'or di anochi.

Nos ta lamenta cu despues di entiero nos no por ricibi
bishita di condolencia na cas.

Royal Aurora

Funeral Home & Crematory

" Kristu Ayera Awe Semper"

Cu dolor na nos curason pero gradici na Dios cu e twt
parti di nos bunita bida nos ta anuncia fayecimento
inespera di nos amor stima



Tico Thielman (Romeo A.)

*22-08-1955 - †22-06-2018

Su esposa stima Martiza Thielman-Croes

Yuinan stima: Thaisa Thielman y
Remy Grapendaal
Albert Thielman

Rumannan: Anna (Mieckey) Gravenhorst
Richard Thielman
Robert (Robby) y Sharin Thielman
Roxine (Jullie) Thielman
Maythe (Zamzam) y
Achmed Tawoosh-Thielman

Tanta: Marieta Kock-Gravenhorst y famia
Sua: +Hendrik Croes y famia
Ramphis Cheri

Subrino(a) nan: Aldon, Nathalie, Carissa,
Jason, Shane, Lidbert, Juelle,
Stacey, Juwaiya, Kinsasha,
Kyley-Jade, Samuel, Tharlee.

Bon Amigo: Angel y Liesje Osorio

Famia nan di cas y curason: Olga Does y famia
Mirna Hijmering Does y Famia
Ingrid Does y famia
Karin y Hans Drost y famia
Olgita Berkley y famia
Edwina Does y famia
Vanessa Meijer y Michelangelo
Lucy Wolff y famia
Glenda Gumbs y famia

Su bon bisinja nan Nilo y Maximina Wernet y famia
George y Glenda Bislip y famia

Primo y prima nan y demas famia na Aruba, Boneiro,
Corsow y Hulanda. Su coleganan di CITGO Marine
Department, ex-colega nan di ex- Peter's Divers,
amigo nan y conocir nan.

Demas famia: Thielman, Croes, Gravenhorst, Chirino,
Tawoosh, Kock, Cheri, Leonora, Cecilia, Lacle,
Goeman, Ramirez, Maduro, Thode, St.Hill, Kelly, Van
der Blik, Does, Hijmering, Drost, Berkley, Meijer,
Hennep, Maldonado, Coffie, Landwier, Willem, Bislip,
Kock, Craane, Snijders, Tavares da Silva, De Jongh,
Cicilia, Osorio, Lopes, Wernet, Wolff, Gumbs.

Si encaso den nos tristesa nos por a lubida algun
persona of famia nos ta pidi nos mas sincero disculpa.
Acto di entiero lo tuma luga diabierna, 29 di juni 2018
di 9'or – 11'or di mainta na Royal Funeral Home y
despues saliendo pa Santana De Vries na St. Cruz.

Condolencia lo tuma lugar diahuebs, 28 di juni 2018 di
7'or - 9'or di anochi na Royal Funeral Home.

Nos ta lamenta cu despues di entiero nos no por ricibi
bishita di condolencia na cas.

Royal Aurora

Funeral Home & Crematory

"Señor ta mi wardador,
mi n'tin falta di nada;
Den cunucu di yerba berde,
E ta ponemi sosega.
E ta hibami na awa tranquil,
pa mi bolbe hanja forsa. Salmo 23:1,2,3.

Cu honda pena pero conforme cu boluntad di Dios
nos ta anuncia fayecimento
di nos Mama, wela y ruman stima:

Theresita Boekhoudt-Rasmijn

Mihor conoci como

"Mama of Mama Theresita

* 12-01-1934 † 22-06-2018



Yiunan: Alicia y Lino Robert
Magriet y Jani Dirksz
Roberto Boekhoudt
Milo Boekhoudt y Mariana Angela
Ricardo Boekhoudt y Ingrid Carrasquero
Freddy y Lisandra Boekhoudt
Efigenia Boekhoudt
Angeline Boekhoudt
Soraida Boekhoudt y Eric Pardo

Manera Yiunan: Mirto y Beryl Navas
Milene Maduro
Gino Franken

Swanan: Hendrick Brete y Famia
Eddy y Barbara Brete y famia
Joon Trimon y famia

Cuña: Sra. Viuda Celestina Boekhoudt
Evelina y Juan Vrolijk y famia
Olivia Brete
Miranda y Eric Boekhoudt y famia
Petra Kelly y famia
+Rosa Kock y famia

Nieto- y Nietanan: Mila, Ranushka, Raisa, Melissa,
Ryan, Kimberlee, Kervin, Rilene, Jacqueline, Joshua,
Meldrick, Anjelen, Yabib, Aaron, Edsel, Edson,
Stephen, Stephany

Manera Nieto: Regnier Vrieswijk, Giovanni de Windt,
Francis Arends

Su bisanieto- y bisanietanan
Rumannan: Lima, Ethel, Miriam, Glenny, Dennis,
Mayra Yarzagaray y Famia.

Ta invita primo- y primanan, comer y compeman,
ihanan, subrino y sobrinanan, bisiña y demas famia
Boekhoudt, Rasmijn, Yarzagaray, Robert, Dirksz,
Blanco, Charles, Dijkhoff, Franken, Navas, Croes,
Wouters, Geerman, Angela, Carasquero, Pardo,
Dabian, Paskel, Kelly, Feliciano, de Mey.

Acto di entiero lo tuma lugar Diaranson 27 di Juni 2018
di 2'or pa 4'or na Aurora Funeral Home y despues
saliendo pa Santana Santa Maria Sta Cruz.

Condolencia lo tuma lugar na Aurora Funeral Home
diamars 26 di juni 2018 di 7'or pa 9'or di anochi.

Nos ta lamenta cu despues di entiero nos no por ricibi
bishita di condolencia na cas.

Secretario di Estado Paul Blokhuis:
**“Sigui traha hunto
 pa mehorá cuido pa
 tur mucha-, adulto-, y
 grandinan na Saba”**

**Royal
 Aurora**
Funeral Home & Crematory

Señor ta mi wardador, mi'n tin falta di nada. Den
 cunucu di yerbe berde e ta ponemi sosega. E ta
 hibami na awa tranquil, Pa mi bolbe haya forsa. Salmo
 23

Cu inmenso tristesa na nos curason pero conforme cu
 Dios su boluntad, nos ta anuncia fayecimento di nos
 Tata, Welo, Ruman y Omo stima:



Sr. Angelico Angela

*31-5-1935 - † 24-6-2018

Vdo. di Sra. Rufina "Ina" Angela-Croes

Na number di su

Yiunan: Pedro & Nancy Angela y famia
 Canisia Angela
 Isidro "Chido" Angela
 †Mariano y Judith Angela

Nietonan:

Junior Cornes
 Jonathan Angela
 Junaykah Angela
 Jumarc Angela

Manera yiu:

Tin Sang Li na Curaçao
 Gisela Arends

Rumannan:

†Francisca Angela y famia
 Fransisco Angela y
 famia na Hulanda
 Bertha Angela
 †Vicenta y Pedrito Laclé y famia
 †Johannes Angela y famia
 Juan Angela y yui

Swa y Cuñanan:

Colin Croes y famia
 Barbara Maduro y famia
 Andres Croes y famia
 Margaritha Croes y famia
 †Alberto Croes y famia
 †Frans Croes y famia na Hulanda
 Teresa Croes y famia
 Candi Croes y famia
 Gabriel Croes y famia
 †Atanacio Croes y famia
 †Endilberto Croes y famia

Sobrino y sobrinanan, primo y primanan, ihanan,
 comper y comerman, bisñanan, amigonan di rancho
 Clemente, staff y personal di Maristella y demas
 famianan y conosirnan.

Ta invita pa asisti na e acto di entierro cu lo tuma lugar
 Diaranson 27 di Juni 2018 di 2'or pa 4'or na Royal
 Funeral Home na Cumana. E defunto lo ta reposa for
 di 2'or, sigui pa un response y despues nos lo hiba
 nos defunto stima pa su ultimo lugar di sosiego cu lo
 ta na Santana Central na Sabana Basora.

Nos kier a pidi nos disculpa si den nos tristesa nos por
 a lubida algun famia.

THE BOTTOM - E aña aki y otro aña Saba
 lo ricibí 76 mil dòlar adicional pa cuido
 público, pues en total 152 mil dòlar. Esaki
 Secretario di Estado Paul Blokhuis (Salub-
 ridad Público, Bienestar y Deporte (VWS))
 a anunciá durante di su bishita na Saba.
 Cu esaki Blokhuis ta honra e peticion di
 Saba pa contratá enfermera adicional pa
 por ehèmpel cuido di salud pa muchanan.
 “Nos kier fortalecé aún mas e forsa grandi
 di e comunidad di Saba y entidad públi-
 co”, Blokhuis a bisa. “Saba a experienciá
 un desaroyo stabil den e domèin social.
 Nos lo kier sigui aporta n'esaki.” Saba ta
 bay haci mas pa evitá cu mucha- y hóben-
 nan ta haña nan den problema, asina a an-
 unciá tambe ayera mainta.
 “Dor di tuma medidanan tempran ora cos-
 nan no ta cana bon den un famia y busca
 un solucion conhuntamente.

Pa realisá esaki, lo apuntá dos persona adi-
 cional. E dos añanan cu ta sigui VWS ta
 duna Saba 125 mil euro pa aña p'esaki”,
 Paul Blokhuis a bisa. “Pero nos afan ta pa,
 si cos cana bon, continuá cu esaki.”

HÓBEN- Y GRANDINAN

Tambe a anunciá ayera cu Cuido pa Hóben
 y Bienestar di Famia (JGCN) lo ehecutá

e tareanan special pa hubentud. A palabrá
 cu entidad público y JGCN cu lo traha in-
 tensivamente hunto p'asina pècurá pa cada
 mucha na Saba ricibí e cuido cu e merecé
 y pa no lubidá niun hende. Siguidamente
 Blokhuis a bisa tambe di kier mehorá e cui-
 do pa grandinan pa personanan cu ta biba
 na cas. “Nos ta haci esaki dor di cuminsá
 otro aña cu invertercion èxtra den ayudo
 doméstico, entrega di cuminda, transporte
 ora mester di esaki, p.e. pa haci compra y
 adaptacion na bibienda.

E añanan benidero nos ta bay empenhá nos
 mes èxtra cu inversionnan pa elevá e calidad
 di cuido pa grandinan. Ta bay bin mas yu-
 dansa. Nos ta den combersacionnan tocante
 di kico exactamente esaki lo nificá p'e hen-
 denan aki na Saba.

PREVENÍ MAS

Segun e Secretario di Estado un acuerdo di
 prevencion y deporte Caribense mester ta
 cla na comienso di 2019.

VWS y Saba hunto lo bay e lucha contra di
 humamento, obesidad y maluso di alcohol,
 “na un manera cu ta cuadra na Hulanda Ca-
 ribense”, segun Blokhuis.

“Y nos ta bay haci mas pa loke ta trata pre-
 vencion y apoyo ora ta trata di embaraso di
 teener no intencionalmente. Esaki tambe
 tin cu cuadra optimalmente cu loke por usa
 na Saba.” Paul Blokhuis a bisa tambe cu el
 a ricibí un bon impresion di e isla y cu a
 ricibí di un forma hopi placentero. El a bisa
 ta “agradabel pa mira” cu Saba tambe ta un
 municipio di JOGG (Jongeren Op Gezond
 Gewicht, red.).

E Secretario di Estado a bishitá e.o. e Cruijff
 Court y a drenta movicion e tambe dor di
 ‘un buèlta magnífico’ riba Mount Scenery.
 “Pa concluí, mi ke para keto ainda n'e inves-
 tigation di poblacion Hulanda Caribense”,
 Blokhuis a bisa. “Nos a tende preocupacion-
 y zonidonan crítico tocante di esaki den me-
 dia. No ta cuestion cu si e investigacion di
 poblacion lo bin pa tur hende na Hulanda
 Caribense, pero mas bien ki dia. Si ta na ami
 nos ta sigui mas rápido posibel a base di loke
 ya ta wòrdo hací na investigacion médico y
 ta funcioná na Hulanda Caribense. Y nos ta
 laga institutonan experienciá manera ‘Rijk-
 sinstituut voor Volksgezondheid en Milieu’
 wak bon hunto cu nos.”

**Royal
 Aurora**
Funeral Home & Crematory

Gradicimento / Invitacion

Pa medio di esaki ami Miangela Loefstop y
 henter famia kier a expresa nos gradicimneto na tur
 esnan cu di un of otro manera a muestra nan
 atencion, sosten y consuelo na ora di fayecimento y
 entiero di mi tata stima:



Gabriel “Gaby” Loefstop

Un gradicimento ta bai na tur e dokter nan, Paviljoen
 Azalea y Cristelle Cas di hende grandi. Un danki tambe
 ta bai na Aurora Funeral Home pa nan servicio.
 Alaves nos kier a invitación pa 2 Santo Sacrificio di
 Misa cu lo tuma lugar dia :
 Diahuebs 28 di juni 2018 pa 7'or di anochi na Misa
 Santa Filomena na Paradera
 Diabierna 29 di juni 2018 pa 7'or di anochi na Misa
 Santa Filomena na Paradera



AWEMainta

#1 Online

Completamente
DIGITAL

**Ricibi AWEMainta
tur dia den bo inbox**

Manda bo E-mail na noticia@awemainta.com

**Haya noticia y edicionan di
AWEMainta riba nos website**

www.awemainta.com

Like nos riba Facebook

www.facebook.com/awemainta